






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5499/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5499/A




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5499/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5499/A





5499/A
G. V. Riv

6361

0

52 D. 48 22408

Symple
9/09




TRACTATVS
DE PESTE,
EX ANTHE-
MATIBVS, ET ANTHRA-
CIBVS; ATQVE DE ME-
THODO IN FEBRIS PESTILEN-
TIS, ET ALIORVM ID GE-
nus morborum curatione,
obseruanda.

AVTHORE GEORGIO RI-
ucto Bononiensi Medico
excellentissimo.

EX ITALICA IN LATINAM LIN-
guam (*sententia Authoris quàm maximè fieri po-
tuit seruata*) translatus ad inclytæ Reipubli-
cæ Coloniensis vsum tempore pestis,
Anno 1597.

Per THOMAM AVBEL Mathematicum,
& Medicum.



COLONIAE AGRIPPINAE,
Apud Henricum Falckenburg.
ANNO M. D. XCVII.

AD LECTORES.

3

CVM sit hæc sola mea intentio & studium, ut in temporibus de contagio suspectis (à quibus per suam bonitatem nos liberet Dominus Deus) proximum adiuuem; & illi per remedia temporalia simplicia, & composita auxilium feram: cumque non possim ulterius, mea quidem sententia, progredi, ac maius, atque illi acceptius quid præstare, confido stylum qualem cunque licet minus elegantem, hic sufficientem, dum in hoc opusculo lingua nostrate utar. Videtur etenim mihi consentaneum, ut quilibet author, qui in sua lingua nativa scribit, phrasas & locutiones extraneas, quæ à paucis intelliguntur, non adhibeat. Eapropter neque Poetarum figmenta, neque Heroum facinora hic reperietis: quoniam hæc materia id non postulat. Sed solum rationem & modum pristinam valetudinem recuperandi, à quibusque malis præseruandi, & febres pestilentes, eudemias, & carbones, seu, ut nunc placet vocare, globos, & glandes vltas curandi perspicue inuenietis. Adhæc conspicietis quoque modum conficiendi poma odorata, spongias, suffitus, fomenta, epithemata pro corde, pro cerebro præmuniendo, & alia multa id genus remedia. Demum si hic est quicquam boni, attribuetis bonitati diuinæ, ex qua promanat omne bonum: atque si hic est, quod non satisfaciat auribus vestris, ad linguæ pulchritudinem, ornatum, & splendorem attentis, vos precor & obtestor, ut mihi ignoscatis, cum euidentissime vobis solum constet de mea bona, & propria voluntate, ad id duntaxat attenta, ut quàm maximè iuuent proximum ad Dei gloriam, qui nos ab omni contagio præseruare dignetur.

A D.

4
A D M O D V M
M A G N I F I C O E T E X
C E L L E N T I S S I M O D O M I N O

Alcanio Torello, meo Domino, ac
Patrono obseruandis-
simo.



ES nulla profectò inuenitur vsquam
qua euidentius animum nobilem, &
generosum ob oculos proponit, quàm
scientiarum desiderium, sicuti dixit
Philosophus: atque in actionibus ci-
uilibus sese praebare affabilem & benignum. Qua
duae virtutes quemadmodum rarius in vno, co-
demq; subiecto reperiuntur, ita plurimi debet ille fie-
ri & haberi, qui auctorum est possessor. Equidem ve-
rè possum dicere absque vlla accusationis, aut reprae-
hensionis nota, talem esse vestrae magnificentiae, &
excellentic personam: quae dono quodam singulari
à Domino Deo est exornata, & altis scientiis, &
quadam a stabilitate & benignitate tam completa,
& morum grauitate tam nobilis, & civilis, ut ab o-
mnibus meritis ametur, & colatur: Vsq; adeò, ut in
vestra excellentia sit verissimum hoc dictum illius
magni sapientis, virtutem ab omnibus amari, & co-
li. Ob hanc igitur causam, & ob infinita beneficia,
qua domus nostra ab animi sui magnitudine recepit,
cum haberem equidem horis nocturnis, quibus otium
dabatur, textum congestum & elaboratam hunc
breuem de sese à pestis contagio, & exanthematibus,
seu,

seu, ut nunc placet vocare, petechijs præservando tractatum; atque importunè cum vigerent quotidie complures, ut hunc typis pro bono publico mandarem, visum est consentire, & amicis gratificari, atque illum Vestra magnificentiæ & excellentiæ dedicare: ut aliqua ex parte meum officium, ut æquum est, signo evidenti declarem, ita ut confidam suum clarissimum nomen in huius tractatus frontispicio tanquam propugnaculum fore contra quoslibet mendacium linguarum impetus, & insultus, quæ cum aliorum laborum invidia dant operam, & sibi famam & honorè conciliantes acquirant, & illos absque perspecta eorum cognitione nusquam non taxantes moderant. Acceptabit ergo lato animo hoc qualecunque munusculum à suo Cliente obligatissimo iam oblatum, qui in corde suo multa beneficia sibi præstita usque ad eum impressit, & insculpsit, ut quoad vixerit, non desinat unquam prædicare, & per univèrsam mundum laudare vestræ excellentiæ magnificentiæ & benignitatem, quam Dominus Deus dignetur quam diutissimè conseruare incolumem, & felicem efficere in omnibus suis heroicis facinoribus pro utilitate publica susceptis. Bononiæ 20 Februarii, anno 1592.

Admodum Magnifica, & excell. Vestra
dominationi deditissimus & obligatissimus
Cliens Georgius Ri-
nnetus.

A 3

QVID

QVID SIT PESTIS.

Cap. I.

Gal. lib. 1. c.
2. & seq. de
feb. diff.



MAGNA profectò est controuersia inter doctos in inuestiganda horum affectuum causa. Quidam enim negant esse pestis principium, quidam contrà affirmant: Alius vult pestem fieri per contagium, quod ex corruptione aeris calidi, & maligni sine aliqua propria, & occulta qualitate ortum habeat, qui aer & alterat, & exiccat temperaturas hominum; vsque adeò vt corrumpantur, & intereant; quemadmodum in ea peste, quæ olim Athenienses inuasit, contigit; veluti refert Galenus lib. 1. ca. 4. de febrium diff. sed prolixius hac de re loqui non est nostri instituti: Alius vult elementa inferiora putrefieri & corrumpi à causis motricibus: Alij demum volunt pestis principium procedere à qualitate alimentorum corruptorum, veluti ab omni victu improbo, quo plebs in huius temporis annona sese replens sustentauit. Sed sciendum est, quod apud Authores tam antiquos quàm modernos inueniantur hæc nomina propè synonyma, pestis, pestilentia, pestililas, λιμός, epidemia, & endemia. Adhæc pestis vulgò quatuor significat, causam externam, morbum, febrem, & symptoma: Iouertus cap. lib. de peste. Pestis quidem est quædam corruptio aeris malè affecti ex quadam occulta qualitate, qua mediante generantur morbi diuersi in diuersis corporibus: Et ita est pestis diuersarum specierum, tum in hominibus, tum in brutis etiam animalibus.

Definitio.

Epidemia verò est quædam corruptio aeris,
orta

orta à mala, & occulta qualitate, per quam fiūt morbi particulatim in vna eademque specie sola: Atque hoc modo epidemia erit particulatim aut solum in hominibus, aut solum in alijs brutorum animalium indiuiduis. Quæ ægritudo quādo venit inter homines particulatim varios fortitur effectus. In alijs enim nascuntur carbunculi cum febre, in alijs dysenteria, glandulæ, vel apostemata, quādoq; variolæ, vt inquit Gal. quæ passim vocantur morbus vulgaris: quia cū sit contagiosus, & attingatur, discurret, & sese per populum seu vulgus diffeminat.

Endemia demum est corruptio aquæ, vel terræ, ratione cuiusdam malæ, & occultæ qualitatis, quæ in illis reperitur. Et est animaduertendum, quod licet hæc tria nomina sint diuersa: Tamen à Galeno & Auicenna sæpenumerò pro synonymis nominibus capiuntur, hoc est, in vna, eademque significatione. Et hoc modo sese habet differentia inter infirmitates, seu ægritudines pestilentes, epidemias & endemias. Nam pestis euenit simul in pluribus indiuiduis, & particularibus potissimū, & diuersis speciebus, à corruptione aeris ex quadā occulta, & maligna qualitate. Teste vel ipso Virg. lib. 3. Aeneid.

Iura domosque dabam, subito cū tabida membris.

Corrupto cœli tractu, miserandaq; venit

Arboribusq; satumq; lues, & letifer annus:

Linguebant dulces animas, aut agra trahebant

Corpora: tum steriles exurere scirrus agros.

Arebant herbe, & victum seges agra negabat.

Et sciendum est, quod in peste tametsi aer non

corrumpitur secundum suam substantiam, sed solum secundum qualitatem secum coniunctam; nihilominus dicitur pestis vel epidemia esse quædam corruptio aeris qualitativa, & non substantialis: ac proinde animaduertendum est, quod pestis potest renouari, & amoueri, quia qualitas aeris mutatur, & recedit, sed non ipsa substantia.

Et morbus epidemicus est ægritudo in indiuiduis vnius generis tantum ob corruptionem aeris qualitativam, quæ vocatur qualitas occulta & maligna, ad operandum non satis manifeste, cum tam occulte populi interficiantur.

Et morbus endemicus obuenit animalibus plurimum specierum, aut vnius solius, mediante corruptione vel aquæ, vel terræ per malignam & occultam qualitatem coniunctam, quæ est in illis. Sed qualis & quomodo ipsa sit, nunc non disputo; cum non sit mea professio & institutum; vobis solum ea medicamenta, quæ in tantis malis sunt adhibenda, monstrabo. Et mihi ac meo instituto satis est, ut vobis significem, quid mihi videatur ad experientiam adiungendum; & hoc est omni ex parte conforme, & consentaneum historijs antiquis, non ab ullo profano scriptis, sed à spiritu sancto, qui mentiri haud nouit, approbatis & stabilitis; ubi intelligitur quid sit pestis, & quare, sic morbus in populo coortus exurgat.

*Deut. c. 5. de
crabron.*

Lib. Regum

2. c. 24.

Ezech. cap. 5.

seq.

Idcirco secundum veras historias dico, & affirmo, quod sæpenumero pestis non sit aliud, quam quidam ictus gladij acuti iræ diuinæ inflicti ab ineuirabili, & infallibili manu Angeli percutientis; qui ictus, quæ plagæ seu vulnera carmen putrefaciunt; & multis ita lauciatis insensibili-

DE PESTE.

sibiliter, & inuisibiliter moriē inferunt: & hoc verum esse testatur scriptor Apocalyp. cap. 7. & 9. vbi inquit: Noli nocere terræ, & mari, neque arboribus, quo adusque signemus seruos Dei nostri in frontibus eorum.

Iam dicant nostri Medici Theorici, atque etiam Doctores Practici quicquid velint, & scribant per immodicam & exuperantem humiditatem circa præcordia, vel ob morbum quendam pestiferum, vel ob alterationem aëris, conuersam in putredinem aut in quampiam pessimam qualitatem, quæ generatim, & multis sit pestifera: equidem huiusmodi definitiones esse phantasias & opiniones Philosophicas autumo. Veram autem hanc meam esse sententiam, potest intelligi ex sacro testamento, quod pro vestra securitate & mea satisfactione; ne sit vobis graue, ne sit molestum legere, lib. 2. 24. Regum, vbi inuenietis, quod cum pestis in populo Israëlítico propter peccatū sui Regis Dauid grassaretur, ipse Rex vidit, quid esset illa pestis quæ memorat sacrum testamentum. Vidit ille Angelum quendam populos interficere, quem paulò infra ab afflictione, & interemptione reuocat.

Sed pro maiore huius veritatis testimonio habemus recens, & memorabile exemplum in vrbe Romana, castellum sancti Angeli, quod ab antiquis appellabatur moles Hadriani, quæ hoc nomen sancti Angeli accepit tempore sancti Gregorij, quo tempore sauebat quædam pestis crudelissima, quæ vsque sub Pontificatu Papæ Pelagij, qui hoc eodem morbo moriebatur, inceperat. Instituebat quotidie sanctus Pontifex Gregorius solennem processionem per urbem,

A 5

atque

atque etiam litanias maiores. Cùm iam placeret bonitati diuinæ illorum preces exaudire, die quodam inter alios descendens in processionem sanctus pater pedes cum vniuerso clero & populo, vidit super dictam Hadriani molem Angelum quendam cum gladio nudo, & sanguinolento in dextra, & cum vagina in sinistra manu; qui in signum pacis gladium in vaginam reponebat. Vnde datur intelligi diuinam iram esse placatâ; & ita in effectu visum est, quòd iste exitialis, & tam crudelis morbus incepto statim cessare: Et ab ea hora in posterum, & in hodiernum vsque diem hic locus vice molis Hadriani est semper dictus Castellum sancti Angeli. Vsque adeò ut pestis nihil aliud sit, quàm ictus & morsus acerbissimus à gladio, & flagello diuino incussus. Hinc equidem alijs definitionibus, quas (cum bona gratia eius, qui similem opinionem habet,) existimo esse fallacias hominum, ne dicam illusiones demonum, vos onerare prætermittam. Verùm illud vnum scitote, quod mecum, quoties huiusmodi tripudia passim audio, cogitare solus sum, fortasse hic veritatem per os sapientum enunciandam desiderari. Audite quendam Dei amicum, & hominem sanctum, qui cùm vellet nobis nostram ignorantiam improbrare, dixit: *Si eris malum in ciuitate, quod Dominus Deus non fecerit: quasi dicere voluisset quod ille solus est, qui hæc supplicia in nos dimittat.*

Amos Prophetæ c. 3.

Eapropter ne à mundanis phantasijs vos seduci permittatis. Vnusquisque verò hoc sibi esse dictum persuadeat. Neque minus cogitet, in sese tam sordidos, tam putridos, siue propter corruptionem aeris, siue propter aliud accidens putrefa-

trefactos humores, per quietem latitare. Vnde equidem secundum artem & professionem meam quum perpendo quàm necessarium sit cognoscere, & inuestigare certas, proprias, & particulares, quæ sunt principes infirmitatum, causas ad applicanda cum vtilitate particularia, & propria auxiliorum Medicorum remedia, iam principalium causarum explicationem aggrediar.

Vera, propria, & principes pestis causa.

Cap. I I.

EST itaque sciendum, quod pestis potest effici tum à causis superioribus, tum ab inferioribus. Quandoque enim accidit, vt illa solum in vna aliqua prouincia, aut sub aliquo aeris tractu priuatum, vbi quidam per determinatam Planetarum (Saturni, & Martis) coniunctionem; aut Luminarium (Solis aut Lunæ) eclipsin contingit influxus, qui deinceps pestis dicitur efficiatur. Nanque est quædam corruptio qualitatis in aere naturæ humanæ inimica, & penitus contraria. itaque hinc exoriuntur duo, quorum vnum est causa generalis ipsius pestis, & dicti influxus: alterum definitio ipsius pestis, quæ est aeris corruptie, quæ occultè operatur, & est humanæ naturæ multum inimica.

Exurgit quandoque pestis à causa inferiore, & corruptioe qualitativa ipsius terræ, vel aquæ, quæ occultè operatur, hominis naturæ contraria: quæ corruptio nonnunquā procedit ab ijs, quæ super terram nascuntur; nonnunquā ab eiusdem terræ partibus inferioribus & profundis; nonnunquam ab vtrisque simul. Vnde attollun-
tur

tur vapores pessimi, qui dum eos tangimus, & inspiratu in corpus nostrum attrahimus, ad cor perueniunt, & magnopere offendunt: quemadmodum anno superiore in ciuitate nostra Bononiensi vsuuenit; vbi, cum nonnulli puteum quendam profundum, qui multo tempore fuerat oclusus, aperirēt, inter aperiendū, aut paulo post duo ex illis moriebantur. Et hoc sine dubio obigit ob malam qualitatem ex putri ipsius putei aqua causatam, homini contrariam, quæ occulte operando, tanquam naturæ humanæ infensa illos e vita sustulit. Et hinc euidenter cognoscere possumus Endemiam esse pestis causam. Namq; ex vaporibus aquæ & terræ pedetentim inficitur aër, & euadit in horrendam pestis causam.

Hinc habemus etiam causam febris pestilentis; quæ est mala quædam, & occulta aeris qualitas, cordi humano communicata: qua mediante putrescunt cordis humiditates, quæ putrefactæ calorem naturalem immodicè exalfaciunt, & ita exurgit hæc febris. Hoc ipso modo contingit etiam ex improba, & maligna aquæ & terræ qualitate, quæ ad cor penetrat, & similiter febrem pestilentem producit.

Et quanquam ex his causis naturalibus nascitur pestis pestis: Attamen equidē inuenio, quod quotiescunque hoc horrendum flagellum temporibus nostrorum patrum à Domino Deo est immissum, id semper propter peccata factum esse: Ac proinde peccatum est omnis nostræ miseræ causa, & origo. Quapropter verissimè inquit scriptura: Peccatum miseros facit populos. Vnde videmus, quod quando Maiestas di-
uina

una populo suo tam horrendū pestis flagellū, minatur, semper nonnulla peccata odiosa, & in suo diuino cōspectu abominabilia in mediū adducit: vsque adeò, vt appareat, quasi ab illis impulsā, & extorta, vt immitteretur, pestis; veluti conuenientior, quàm hæc castigatio, nulla illis conueniat. Et hoc ipsum testatur Propheta Dauid fieri ob superbix peccatum, quod in ipsum inuasit, cum se tantum populum numeratum pro suo ministerio habere videret: dum inquit, Peccaui valdè in hoc facto, sed precor Domine, vt transferas iniquitatem serui tui, quia stultè egi nimis. Et, ego sum, qui peccaui, & ego iniquè egi. Eapropter interdum inter nos Christianos tam enormia, & abominabilia reperiuntur peccata, quæ commouent; imò verò (si mihi licitum est dicere) bonitatem diuinam ad istud horrendum flagellum immittendum extorquent.

*Lib. 2. c. 24.
Regum.*

Quid nos possumus expectare aliud, nisi vt breui temporis spacio, hoc acerbo & mortifero flagello castigati cadamur longè grauius, quàm nostri antecessores vnquam fuerunt puniti?

Et hoc modo possumus cognoscere minas principales, quas audire & declinare ad nos pertinet: Id quod magnus ille Deus nobis intonat per os sui serui, & sancti Prophetæ, qui nobis nostras iniquitates & scelera exprobrat.

In multitudine negotiationis tuæ repleta sunt interiora tua iniquitate, & peccasti. Et post pauca verba inquit: In multitudine iniquitatum tuarum, & iniquitate negotiationis tuæ polluisti sanctificationem tuam, producam ergo ig-

go ignem de medio tui. Et non multò pòst inquit: Immitram ei pestilentiam, & sanguinem in plateis eius. Iniquitates ergo multæ committuntur in negotiationibus, in mercaturis, in contractibus, & in omnibus alijs offensionibus. quibus genus humanum ingratum, lucifero haud abhñile, contra suum creatorem, contra sacrã legem abutitur: quæ iniquitates ita commissæ tandem irritant, & impellunt Dominum Deum ad immittendum sua flagella, veluti hæc: quæ sunt humores putridi, maximè venenosi, qui hunc pestiferum affectum, quo non nocentior alter, generant: &c.

Cogitemus itaque, & nobis ipsis persuadeamus, nostra corpora huic tam mortiferæ infirmitati subijci, à qua si euadere, & securi superuiuere desideremus, præparationem infra scriptam amplectamur. Dominus enim Deus, omniũ moderator, virtutem & potestatem, morbos, per varia auxiliorum remedia euadendi donauit. Etenim pro ægritudine animæ persananda dedit Confessionem, à se quidem institutam, à Iacobo vero & alijs Apostolis promulgatam. Pro ægritudine autem corporis propulsanda, reliquit naturalia vbique terrarum remedia, ad influentias in corpora nostra aut à contagio, aut à mala aeris dispositione, aut ab improbo Planetarum aliquo introductas, & medio auferendas, sicuti deinceps plenissimè, quo sine dubio permaneamus sani & incolumes, demonstrabo.

Quid

Quid ad se præparandum sit necessarium.

Cap. III.

Quandoquidem Medicina res est planè divina, & à benigna & potente Dei manu diuinitus creata, ideo ipsi Medici omni die, & omni hora praxi suæ professionis facientes (quantumlibet medicamentorum administratione sit ars quædam) precium aliquod pro assiduis suis laboribus postulare nunquam consueverunt, veluti alij omnes artifices, nimirum illiberales facere consueverunt: sed illam humanitatem, quæ sibi liberaliter offertur (ita ut plus non postulent) recipiunt: quia si secus facerent, iam iusto titulo ipsis, tanquam impijs rei sacræ, ac diuinæ, medicæ inquam, venditoribus sordida Simoniaci, aut sacrilegij nota posse iniri, & assignari videretur. Adde regulas ipsius medicinæ comprehendere signa pulcherrimis referta, & nos in eum finem institutos, & edoctos, ut homines in vera vita, quæ non solum in calore nativo, qui operatur in humido radicali, consistit, sed etiam in charitate non fucata, quæ per diuinæ gratiæ calorem in corde nostro operatur, & quasi manna in salutis operatione nos retinet, conferuentur: Idque verissimè nuncupatur vita, quia hæc vita nihil aliud est, quàm operatio, vel potentia ad operandum.

Quare quidem sit statutum, cum salutiferam præparationem ad nos præcursoribus in his periculosis temporibus velimus adhibere, ne ad punctum seu latum vnguem recedamus à Medicorum regulis, secundum quas primùm omnis improba dispositio, hoc est, quicquid nos ad malum disponit,

Ecclesiæ 48.

nit, & procliuēs reddit, euitari debet. Sunt enim verba Galeni verissima, quod facta ægritudo curabitur, dispositione ablata, à qua principaliter quæ secundum naturam est operatio læditur. Verùm hoc neutiquam suffecerit, nisi ad particularia descendamus, atque simul vniuersim hoc nostrum corpus pinguedine & humiditate, quæ est omnis corruptionis causa, plenū exiccemus. Ac proinde Galenus cap. 3. libro de feb. diff. dixit: quod conueniat corpus huiusmodi exiccare, & siccum conseruare: Præter hoc nos docet ipsa experientia, quod quicumq; sobriè alitur, sobriè dormit, quam diutissime viuat sanus & incolumis. Verùm ego concludo necessarium esse semper tum ad quantitatem, tum ad qualitatem respicere. Agedum factum opus est, vt opportunam euacuationem, sed citra vllam omnes superfluitates in nobis inuentas euacuandi violentiam instituamus: ita vt habet regula Auicennæ: Multum est utilis phlebotomia, & solutio, & euacuatio ventris ad pestis curationem. Dicamus iam obsecro principium euacuandi omnia nostra peccata per sanctæ cōfessionis, ieiunij, eleemosynæ, & orationis mediū: sin secus, ab ira diuina nobis caueamus. Et cum hactum corporis, tum facultatum nostrarum euacuatione, præparemus nos ad naturalia medicamenta (chirurgica, pharmaceutica, & dietetica) feliciter adhibenda. Quibuscunque hoc modo præparatis, confidentur asserò, auxilia, & medicamenta, seu magna antidota, à Medicis ordinata, euidentissimè, imò miraculosè ad animæ, & corporis salutem profutura.

Ex

*Auic. lib. 4.**fen. 1. Tr. 4.**cap. 4.*

Ex quibus signis cognoscatur febris pestilens. Et principium papularum, seu, ut nunc ad Italorum invitationem placeat appellare, petechiarum.

CAP. IV.

Multis ac diuersis modis potest huiusmodi febris pestilens, quæ satis multas habet differentias, cognosci.

Quare statim initio animaduertendum est, *Signum*
an hoc tempore hoc loco, hac cæli seu aeris constitutione passim sæuiant morbi pestilentes, seu febres pestilenter: Id si fiat, facile poterit iudicari febris pestilens. 1

Deinde euidentius erit signum, si in ægro patiente simul cum febre inueniatur vehemens totius corporis ardor, maxima cum inquietudine potissimum de nocturno, usque adeo, ut quiescere non possit: In febre enim pestilente putrescunt, & consumuntur cordis humiditates. Vnde & in corde, & in toto corpore excitatur ardor intolerabilis, tempore noctis maxime inquietus. Hoc enim tempore vapores in centro potissimum includuntur, ita ut omnes ipsius cordis, & aliarum partium facultates summopere afficiant, molestant, & affligant. 2

Cognoscitur quoque pestis ex linguæ nigredine cum ariditate, & siti intolerabili: Idque evenit, quia in corde fit calor, seu ardor, & incendium ingens ab exhalatione ex humoribus improbis illic putrescentibus facta: qui vapores inde ad os ascendentes, ipsum exiccant, & insuper exiccando nigrum efficiunt, unde haud dubie contingit, ut summa subsequatur sitis. Quæ
B sitis 3

sitis nihil aliud est, quam desiderium frigidi & humidi per præsentiam caliditatis, & siccitatis ab his vaporibus illatum.

4 Adhæc frequenter etiam adest euomendi voluntas: Cùm etenim cor à putredine suæ humiditatis offenditur, & molestat, ut ipsam foras expellat, facit omnem suum conatum.

5 Præterea hic quandoque observantur magnæ vigilæ: Etenim ex putredine humiditatis in corde existentis fumant: & ad caput ascendunt vapores, seu potius exhalationes improbæ, quæ ubi ad cerebrum appulerint, ipsius humiditatem exiccant, & somni occasionem amouent. Sed secus se habet in corporibus phlegmaticis: & ceteris.

6 Hic etiam sentitur pulsus frequens & velox, nimirum præ magna euacuandi, & refrigerandi necessitate, quæ sanè ab ingenti cordis ardore augmentatur. Et pulsus quidem est paruus, & debilis, quia virtus ipsius cordis magnopere à suæ humiditatis putredine iacet oppressa, quæ putrefactio cor ipsum efficere magnum & fortem pulsum impedit.

7 Hic conspicitur quoque vrina turbida, propter magnam in corde putredinem & ebullitionem, vniuersæ humorum massæ communicatam.

8 Sentiantur adhæc fæces multum graueolentes, & foetidæ propter excellentem putredinis excessum.

9 Oboriuntur plerunque bullulæ (tanquam ex adustione) carbones, & apostemata. Nam cùm magna putredo in cordis humiditate reperitur,

tur, fit subinde ea putredo tanta, ut eam adaucta facultas naturalis superare & corrigere non possit: Vnde deinceps sudor symptomaticus non secundum naturæ intentionem, & propositum succedit. Atque omnis euacuatio symptomatica, & non secundum naturæ intentionem est periculosa.

Aliud etiam accidens sæpenumerò venit in febribus pestilentibus animaduertendum, hoc est, maculæ, quæ per multas corporis infirmæ partes, & maximè per eas, in quibus viget maior caliditas, sicut in dorso circa spinam, sparguntur. Nam illic in parte intrinseca extenditur vena quædam magna, quam chylen appellant Itali, in qua multum spirituosæ sanguinis existit. 10

Atque hoc modo, mediante vena & arteria excitatur magna caliditas circa dorsi spinam: unde hoc in loco ferè primùm, & in maiori numero apparent maculæ, quæ à Medicis Italis hodie passim vocantur petechiæ. Verùm sciendum est secundum omnem humorum in patiente infectorum diuersitatem variari has maculas in colore, & substantia. Nanque si suam causam sortitur febris pestilens à sanguine, color illarum erit rubeus, & erunt ipsæ alijs paulò eminentiores, prout fuerit in corpore vel maior, vel minor sanguinis copia & plenitudo: At si causam habet hæc febris à bile seu cholera, erunt maculæ coloris citrini, & sublutei: Si verò causam adipiscatur hæc à phlegmate, & pituita erunt albæ: Si demum à melancholia, erunt lividæ vel nigre. *Petechiæ*

Prognostico.

1 Si offendantur hæ maculæ seu pabulæ cum sanguinis prædominio, & abundantia, habentur securiores, & minus alijs periculosa, & sunt signum ac indicium spei de recuperanda salute maioris.

2 Si primùm hæ maculæ seu petechiæ in die critico cum virtute debili, & prostrata erumpere & apparere incipiant, vel exigua, vel nulla erit relicta spes salutis. Nam hoc est signum, quod per modum accidentis seu symptomatis, & non per vigorem & fortitudinem virtutis ad expellendam è corpore venenositatem ineptæ proveniant.

3 Et quando hæ maculæ erumpunt, existente infirmo magis cordato, & exhilarato, de perficienda ipsius febris pestilentis vnà cum ipso accidente curatione melius potest sperari.

4 Atque hinc denuò sciendum est, quod quando in febre pestilente non sese manifestant petechiæ, si qua sanguinis vel sinceri, vel cum alijs humoribus permixti abundantia præsens est, necessariû sit sanguinem extrahere: si modò adsint ætas, virtus, & aliæ conditiones, vt inquit Gal. lib. 1. cap. 13. de feb. ad Glauc. Et libr. 9. c. 5. Meth. ac passim.

Quomodo attrahantur papula seu petechia.

CAP. V.

Quando febris pestilens est cum petechijs, solent nonnulli sanguinem mittere, sed vera, & approbata Medicorum sententia est de sanguine tunc non extrahendo. Non etenim debet impediri natura in suo motu, quo mediante vberimam utilitatem, & iuuamentum consequitur

quitur infirmus, ita vt per venenosam materiam, quæ intus erat, recessum, & expulsum, virtus naturæ subleuata quicquid noxium discutiat. Ac proinde motum naturæ bene operantis imitari, non impedire debet Medicus. Nam posset introrsum materiam retrahere, quàm foras propulsare studiosè allaborat virtus naturalis.

Quandoque verò hallucinantur nonnulli Medici practici in phlebotomiæ administratione, vbi petechiæ iam apparere incipiunt. Cum enim animaduertimus, & per signa cognoscimas in corpore latitare magnam humorum, & potissimum sanguinis plenitudinem, nempe petechijs existentibus rubris, atque ita indicatione & intentione ab abundantia causæ antecedentis, nimirum venæ, seu sanguinis sumpta, nos illum non sine vtilitate extrahemus: Et hoc præceptum habetur apud Auicennam de variolarum curatione, lib. 4. fen. 1. Tr. 4. ca. 10. vbi ostendit, quod etsi appareant variolæ, tamen si corpus sit valdè plenum, vena possit secari. Sit itaque huius sanguinis euacuatio in pauca quantitate, ita vt euacuetur solum causa antecedens, in eum finem, vt virtus refocilletur, & promptior ac robustior ad resoluendas materiam reliquias euadat. Et in omni euacuatione semper habeatur ratio virtutis: Cum enim ipsa sit ea, quæ contra materiam venenosam & malignam decertare debet, non erit nimia sanguinis quantitas auferenda: quia statim arescerent omnia virtutis arma, quæ potissimum sunt sanguis, spiritus, & calor naturalis.

Facta hac euacuatione, si ea videbitur expedire, hoc est, si sese offerant, manifesta, & indubita

B 3

ta ple-

ta plethoræ & magnæ plenitudinis sanguinis signa, quæ plurimum debent obseruari in sanguinis missione, dum apparent petechiæ, ineunda erit alia via, atque ratio medendi, sicut ea, quæ sequitur.

Cùm itaque petechiæ in superficiem prorum pere iam conspiciuntur, non poterunt exhiberi medicamenta solutiua: quia mediantibus huiusmodi medicamentis non solum natura impedita dimouetur ad motum contrarium ei, quem facere conatur, sed etiam ob agitationem illam, quæ ex assumptis medicamentis causam habet, debilitatur ipsa virtus.

Lenitiuum.

Laudatur ergo, vt si, apparentibus etiam petechijs, opus sit medicamentum exhibere, illud sit lenitiuum, & iteratis vicibus assumi commodum. Quare in hoc casu conueniunt: Manna, cassia, Tamar Indi, myrobalani, aloë, Elect. ex prunis Damascenis, & alia id genus lenitiua secundum Medici iudicium.

Clyster.

Verùm si quando loco medicamenti lenitiui administretur clyster lenitiuus, & mollicatiuus, foret res magis secura, & magis huic infirmitati idonea.

Attractio popularum.

Esset adhuc securius in hac febre pestilente petechijs iam passim apparentibus, mederi secundum obseruatum à natura motum. Ita, vt, quando natura molitur eas extrudere ad partes exteriores, cum omni diligentia & industria coadiuuetur ipsius motus iam inchoatus: quò perfectè pleneque foras propulsetur materia: Et hoc fieri solet multis auxiliorum remedijs.

1 Primum est, vt in panno purpureo (id est, scarlato)

lato) conuoluitur infirmus, mediante enim caliditate, & ipsa in colorem rubrum intuitione, sanguis à centro ad partes magis exteriores prolectus euocabitur.

Secundum est, ut cum portiunculam (petiam 2 dicunt) eiusdem panni, frictiones per totum corpus fiant, incipiendo suprà, desinendo infrà. Nāque mediāte motu sic factō in exterioribus corporis partibus, attrahitur caliditas, per quā viæ, & cutis meatus aperiuntur.

Tertium est, ut manibus in aqua simplici calida madefactis contrectetur, confricetur, & humectetur corpus vniuersum: quia mediante hac humectatione siccitas atque ariditas cutis à magna febris caliditate, & siccitate exorta remouebitur. 3

Quartum est, ut passim applicentur, & appendantur cucurbitulæ (cornetta vocant Itali) super humeros, brachia, pectus, spinam dorsi, nates, suras crurum sursum ac deorsum: Et ita hæc remedia fideliter administrantes, fimus certi, quod sequamur ductum, quem natura molitur, quodque vnā morbi materiam attrahamus, atque naturam ab exitiali veneno subleuatam exoneremus. 4

Quintum est, ut infirmo in potu detur bezoar 5 naturalis & legitimus, qui lapis in officinis quibusdam pharmaceuticis venalis est in huiusmodi morbis miraculosus, quemadmodum asserit Manardus; & nos Patauij in quadam Comitissa Germana, ab Excellentiss. Bottono, nostro Praeceptore curata obseruauimus: Quo in modo de illo bezoar assumentur grana quinque vel sex pro dosi vna, in subtilem puluerem redacta, Week in p.25.

B 4

cum

cum aquæ florum citri, aut cum aquæ Cardui bened. &c. vnc. ij. vel iij. Et sic faciendū est tribus vicibus cum intervallo quatuor vel plurium horarum ab vna ad alteram sumptionem, & in lecto sudandum.

6 Sextum & vlt. est, vt in petechiarum apparitione infirmo propinetur potio subscripta.

℞ lentium vnc. iij.
aq. fontis lib. viij.

Bulliant simul ebullitione forti: deinde abijciatur omnis aqua, & lentibus indantur

aq. fontis claræ lib. vj
hordei mundi, & extorticati vnc. iij
dactylor sine officulis num. viij
vuarum passar vnc. ij

Misceantur, & bulliant simul vsq; ad consumpt. medietatis; postea colentur, & propinetur infirmo hæc colatura in pasto, & extra pastum.

Confert etiam, vt simul cum his omnibus remedijs non intermittatur vsus rerum quæ confortant, vt sunt epithemata seu irrigationes, pulueres cordiales, de quibus infra in pestis præparatione sufficienter dicetur, cap. 25. Quæ remedia, & tam cordialia cum in vsum veniunt, petechiæ disparescentes euanescent, tunc oportune poteris infirmo exhibere medicamentum solutiuum, vt consultum videbitur Medico.

Quæ sunt deuitanda, & primum qui aer, ten. peribus de peste suspectis.

C A P. V I.

VOlo igitur, vt quisque sibi caueat ab apertura cauernarum, & aquarum à luto, fimo, canabe, fœtidarum, atque etiam à plantis & arbo-

arboribus malæ qualitatis circa domum infectam, sicuti à ficibus, nucibus, & id genus alijs, quæ aerem in his, quibus plantantur locis, progignunt pestiferum. Usque adeò, ut ab aere improbo, à vaporibus, ab exhalationibus, & summatim ab omnibus rebus graueolentibus, & odoratum offendentibus cauere nobis debeamus. Quemadmodum enim quæcunque bonum spirant odorem, cor & omnes spiritus recreant: Ita contrà quæcunque per ingratum suum odorem vehementer olfactum nostrum offendunt & lædunt, quæ ex causa sæpenumero in leipothymia inducunt, ac aerem graueolentem & pestiferum in cordis capacitatem per inspiratum transmittunt. Atque idcirco præcipuè poma odorifera temporibus de peste suspectis in manu gestata circumferuntur, ut hic etiam paulò post narrabimus.

Quàm autem sit aer reclusus periculosus, nos euidenter docet exemplum, & casus horrendus, qui nuper contigit Bononiæ die 8. Octobr. anno 1591. in Ecclesia sancti Georgij: ubi homo pauper, nomine Franciscus Bonacossa, officio pollinctor, dum ponebat in sepulchro mortuū, decidit etiam ipse præ foetore, & pestifera exhalatione propè mortuus, auxilium à circumstantibus implorans. Qui quidem, quia petatum auxilium non subito obtinebat, eò quod vnusquisq; ab ingressu sepulchri recenter aperti abhoreret, mortuus est quoque ipse iuxta cadaver vix modò sepultum: Et cum illinc spe vitæ paulò post extractus, foret mortuus, fuit denuò sepultus in eodem loco non absq; magno hominum omniū horrore, qui proprijs viderunt oculis, sicut & ego.

ego. Vique adeò ut rogandus sit Dominus Deus qui à tam pestiferis exhalationibus, & ab omni alio malo nos præcustodiat.

De repletione, & diuersitate ciborum, qui hoc tempore debent euitari.

C A P. VII.

Genes. c. 5.

CAueat sibi vnusquisque à cibo, & potu superfluo: Nam paulò minus, quam pro consuetudine comedendum & bibendum est: Et caueat ab vsu variorum ciborum in qualitate contrariorum. sicuti dixit sapiens: Vnum & simplex genus ferculorum commendatur. Huius rei nobis dant testimonium patres antiqui, qui tanto temporis intervallo superuiuebant: alius quidem annos nongentos triginta, ut Adā, alius quoque nongentos duodecim, ut Seth: alius nongentos quinq; , ut Enos: Et nonnulli fide & auctoritate digni constanter affirmāt hanc viā diuturnitatem non alia de causa, quam ex ciborum vtilitate euenisse. Superfluitates enim à superfluo cibo, & potu multiplicantur.

Diuersitas quoque alimenti fugienda est, tanquam inutilis, & improba. Generat enim humores putridos, & potissimum fructus Horarij seu fugaces. Et quando inter cœnandum nullus seruatur ordo, ita ut quæcunque facilè concoquantur, & corrumpuntur, post alios difficilioris cōcoctionis cibos comedantur. Quapropter quisque vno ferculo seu vna victus ratione sit contentus. Atque si in mensa plura, quam vnum ferculum præparentur, & inferantur, ex eorum vno, quod melius poterit confici & concoqui, comedere ad satietatem. Quo enim minori ciborum
vario-

varietate grauat, & obruitur natura, eò fit ad malum, quod noxium est, expellendum, fortior atque promptior.

De motu & quiete.

C A P. V I I I.

DEbet vnusquisque sibi cauere, quando hic morbus actu graffatur, à vehementioribus, & immodicis, ac speciatim sub aëre nudo, exercitijs, quæ sudores & lassitudines inferant. Verùm si fiat exercitium aliquod mediocre, id sub aëre concluso, & stomacho ieiuno faciendum est. Sed antequam pestis actu inuadit, exercendum est corpus, tunc enim exercitium, quàm quies magis laudatur.

De somno, & vigilia.

C A P. I X.

Somnus hic confert proluxior, vt humores in corpore crudi plenius elaborentur: Ex quibus corpus illud laudabili humiditate reficitur, & spirituum largior fit copia. Tempus somno conueniens est nocturnum, vel ex naturæ instituto, & à cœna longissimè per tres horas remotum, vt ventriculi coctio sit propemodum prius absoluta, quàm somnus occupet. Neque statim à plena mensa, pleno iam ventriculo, ore manibusque illotis, in lectum volandum est. Cubiculum sit bene obturatum, & odorifero suffitu expurgatum, ne aer pestilens dormientem incautè aggrediatur. Nocet somnus meridianus, præsertim lautè pransis.

Vigiliæ multæ nocent, quia exiccant, humoresque accendunt. Quinetiam nimis assiduæ, cruditates pariunt, & vires cùm maximo in peste detri-

detrimento debilitatas prosterunt, authore
Laur. Iouberro c. 16. de peste. In eadem sententia
est & schola Salernitana.

*Sit brevis, aut nullus tibi somnus meridianus,
Nam tibi proueniunt ex somno meridiano,
Febris, pigrities, capitis dolor, atque catarrhus.
Ex magna cæna stomacho fit maxima pæna.
Vt sis nocte lenis, sic tibi cæna brevis.
A cæna stabis, aut passus mille meabis. &c.*

De affectibus animi.

C A P. X.

CVM consideramus, quâ tum in nobis possint
affectus, & perturbationes animi, posissimû
subitæ, & vehementes (vt terror, metus, tri-
stitia, mœror, gaudium, lætitia effrænis, risus
profusus) & quomodo nos alterare valeant, me-
ritò adhibenda est omnis cura & industria in ijs
quàm maximè fieri potest, declinandis: Ita vt
nobis in primis ab ira, quæ cum melancholiam,
tum mortem inducit, præcaueamus. Imò hoc
faciendum manifestè docetur exemplo Home-
ri Poetarum Græcorum principis, qui cum du-
bium à quibusdam piscatoribus sibi propositum
soluere nesciret, ex dolore mortuus est. Sed pla-
citis, gaudio cum sanis, cantilenis, iucunda hi-
storiarum, & rerum id genus delectabilium, quæ
animum recreant, & magnam delectationem
afferunt, lectione perfruendum est. Tristior ex-
iccat durissima spiritus ossa.

*Deic. 4. l.
4. l.*

A Venere quoque abstinendum est vel in to-
to, vel maxima ex parte: Hæc enim, vt inquit
philosophorum sapientissimus, barbam fert in
manu. Libido destructio animæ & corporis est.
Et

Et Pythagoras docuit nos debere Venere vti, quando ægrotare volumus. Huius quoque rei mentionem videtur fecisse Democritus, vt per gustum & Venerem cognoscatur mortale: Et id- eò his temporibus nouum procuratore matri- monium non est salutare. Nam Venus enervat vires, authore Poeta.

Adhæc conuersationes politicæ seu ciuiles, *Conuersatio.* (quas appellant nostrates) ac potissimum cum ijs, qui infecti sunt, aut cum ijs, qui ad id, vt in- ficiantur, sunt paratiores ac magis dispositi, nò approbantur. Nam qui tangit picem, qui vene- num, inquinatur.

De cibis, & edulys deuitandis.

C A P. X I.

Debet sibi cauere vnusquisque ab esu lactis, & casei recentis, sed sicci parum comedere poterit. Caueat sibi à piscibus aquæ dulcis, & cuiusque conditionis, & præ cæteris omnibus à fungis, à carne porcina, quamuis macriori, à pa- stillis cuiusque generis, ab omni pinguedine, à pane ex frumento improbo, à vino corrupto, ab aqua suspecta lacunarum, cisternarum, &c. ab vniuersis carnibus humidiorib. & calidioribus, & ab omni cibo non plenè cocto, non bene asser- uato, & ab illo cibo, qui iam aliquod sitis & cor- ruptionis contraxit initium.

Cibi, & potus cuiusmodi esse debeant.

C A P. X I I.

Qvandoquidem nos suprâ differuimus, de cibis fugiendis, consentaneum est, vt dein- ceps de vſitandis, ac etiam de potu temporibus de

de contagioso ac pestifero malo suspectis assumendo, loquamur.

Vniuersa propè nostra spes, præter illam de Domino Deo, & sanctis eius conceptam, in diætâ, & victus ratione versatur, ac primum in pane, qui sit optimæ substantiæ, recens, diei vnius, vel paucorum, benè fermentatus, bene subactus, ex spelta (quam zeâ vocant) à paleis, & furfuribus (nisi alius sit astricta, duraq;) mûdato, pistus cum anisorum puluere, & sale, atque perfectè coctus. Aut ex tritico bono, & repurgato: Galli simul ac Germani panem ex secali (quam roggam appellat Dodon. 4. l. 15.) non improbant. De alijs Gal. lib. I. de aliment. facult.

Potus sit vinum album, clarum, medijs saporis, neque rubrum, neque fumosum, vt non excalescant spiritus, & humores, neque sit vinum illud nimis oligophorum, nimis paruum, ac si fieri potest, sit vetus, hoc enim à fecibus magis repurgatum est, & magis exiccat, ac minus aquositas possidet. Vinum apud quasdam nationes quandoque diluendum est cum aqua leui cocta, cognita, & salubri, interdum medicata.

Bibere quoque haustulum vnum vini maluatici aut alterius vini generosi, manè ante primùm ex domo egressum, est admodum ijs vtile, qui debilem frigidamque temperiem possident: Hoc enim modo multi fumosi vapores exiccantur, & spiritus interni confortantur. Est assidue ab omni potu nimio, & inebriante cauendum: Nam vires dei jcit, authore Virg.

*Nec Veneris, nec tu vini capiaris amore,
Vro nanque modo vina, Venusque nocent.*

Vt

Vt Venus enervat vires, sic copia vini,

Et tertius gressus, debilitatque pedes.

Vinum denique, adustum quod vocant, & aqua
ardens quæcunque excalfaciens, humores incen-
dens, febrem excitans, partes thoracis exiccans,
improbatur à Medico: Laudat autem vanales, *Dodon. 3. 1.*
qui vult extrudere merces. 33.

*De saporum, seu condimentorum acidorum
regimine.*

C A P. X I I I.

EST sciendum, quod omnia condimenta, &
lialla, seu potius acida debeant confici ex li-
monibus, malis aurantijs, malis granatis a-
cidis, vel herbis acetosis, cum his speciebus aro-
maticis, quarum hic infra descriptionem habe-
tis, permixtis.

<i>R</i> cinnanomi opt.	} an. drach. v
Zingiberis	
Caryophyllor	
Been albi	} an. drach. j
& rubri.	
Cardamomi	drach. ij
Croci orient.	scr. v. β.
Sacchari puriss.	vnc. iij

Et fac pulverem subtilissimum, traijce per seta-
cium: Et ex his simul mistis minorem quantita-
tem sume æstate, quam hyeme.

Atque, si nihil te impediat, veluti ventriculi
frigidity, communiter sumuntur poma au-
rantia, poma granata, poma citria, & in pri-
mis eorum semina, quæ hic singularem ha-
bent proprietatem, aut in forma theriacæ,
aut in iusculo carniū, aut in id genus alijs:

nig

alijs: nisi patiens calculo seu lapide afficiatur, in quo casu necessarium est vias initio dilatare, & aperire.

De aceto.

C A P. X I V.

Semper nisi adsit occasio prohibens, est bonū saceto vti, & cum iplo condimenta saporem conciliantia temperare: præterquam in pectoris angustia, & ventriculi frigiditate, vbi excitarentur affectus grauissimi. Verū oportet procurare, vt acetum sit ex vino generoso, veluri ex maluatico, aut ex alio precioso, & valentiore. Quidam acetum calendulatum, aut sambucinum laudant, quidam illud, quod habet flores cordiales, vt borraginis, buglossæ violarum, rosarum, roris marini, &c.

Pulmenta, quæ in vsum veniunt.

B A P. X V.

Pulmentum (minestra dicitur Italis) sit ex spelta seu Zea, (vel bono quolibet frumento) milio, oryza, lentibus, in aqua priore maceratis, pane elixo, (qui panatella dicitur) iusculo cicerum rubrorum cum suo cortice, radice fœniculi, & apij hortensis seu felini, item ex ouis. Vtile demum est in pulmentis, edulijs, ferculis, iusculis, & multis id genus alijs vos vti herbulis, nimirum, felino hortensi, borragine, ruta hortensi, marrubio, hyssopo, scabiosa, scorzonera, & id genus alijs, quæ similem facultatem contra corruptionem obrinēt, breuitatis gratia hic prætermittendæ, & aliunde petendæ.

De carne cum emolumento comedenda.

C A P. XVI.

Q Vicunque per cibos, & victus rationem, aduersus contagiosam corruptionem sese armare desiderat, is carnibus vitulorū ab-lactatorum, hoedorū, bonorum veruecum iuue-num, pullorum, auium campestrium, quæ inter alia volatilia multum commendatur, vescatur. Adhæc in edulium conuerti possunt carnes iu-uenci, in campo pinguefacti, non in stabulo sagi-nati, huiusmodi enim carnes generant humores phlegmaticos, & crassos. A carne suilla, bubula olim salita, &c. abstinendum est. Vide Gal. lib. 3. c. 2. de aliment. facult.

Pisces esitandi.

C A P. XVII.

Pisces sint minuti, & ex aqua salsa, aut ex la-cu solum intra biduum capti, & à squamis, & interioribus benè repurgati, cum aceto as-sati, & ab assatione cum illo concinnati, & cum speciebus aromaticis, quas suprâ descripsimus, cap. 13. conditi. Vide Gal. lib. 3. c. 24. de aliment. facult.

De aqua qualitate.

C A P. XVIII.

A Quæ ad ciborum præparationem feligen-dæ sint fluuiales, vbi sabulum seu arena ad fundum demersa est, sint claræ, sint fontanæ, vel puteales, vel cisternales (quæ tamen, quando in mala aëris dispositione pluit, & quando per plumbeos canales delabuntur, haud omnibus approbantur.) In quibus aquis oua recētia, cum

C

cum

cum speciebus suprà scriptis cōspargenda, pos-
sunt incoqui. Quæ tamen aquæ, si oua cum sua
testa, seu cortice fuerint incocta, ad omuem a-
lium vsum erit inepta, vt coquorum manus, ver-
rucis deformes; atq; rusticorum porci, immu-
ditie satis odiosi, passim attestantur. Quæcunq;
aquæ palustres, stagnales, ac lacustres sunt cras-
sæ, graueolentes, decolores, & morbosæ: Hipp.
lib. de aere, aquis, &c.

De fructibus in edulium admittendis.

C A P. XVIII.

*Sapore dul-
cia, pingui
& insipida
in mense
principio;
sed acerba,
austera, & a-
cida in eius
fine cōmen-
damur.*

POterunt in vsum admitti fructus infrà scri-
pti; poma dulcia, pruna, amarena, vna pas-
sæ, quæ in his malis commendatæ, & in alijs
omnibus exhiberi tutè queunt: Cappares ac-
to cōditæ sunt vtilissimæ, & potissimùm in co-
næ principio, cum singularem quandam sangui-
nis purgandi facultatem possideant, si ijs paulu-
lum specierum suprà scriptarum, ac potissimùm
hyberno tempore indatur. His oliuæ aceto con-
ditæ succedere possunt. Cæpæ quoq; in edulium
conuertuntur, & in pauca quantitate comedun-
tur. Nuces iuglandes maturæ, siccæ, minimè ca-
riosæ; & amygdala dulcia vel cum suis puta-
minib. vel sine ijs, prout suadet alius dura vel
mollis, haud improbantur. Omnes propemo-
dum alij fructus sunt hic suspecti, de quorū de-
lectu, Gal. lib. 2. de aliment. facult.

*Plin. lib. 23.
cap. 8.*

Notatu dignum, quod in ientaculi principio
vtilissimùm est comedere tria folia rutæ, duas fi-
cus siccas (caricas vocant) & nucem vnam simul
cum salis modico, sicuti testatur Auicennas:
quod

DE PESTE.

quod est singulare quoddam contra pestem, & omne venenum, auxilium, & medicamentum: Idè òque quicumque metuunt corripì, quotidie debent illo ieiunè vi.

Sed paulò aliter Q. Serenus c. 61.

Bis denum rutæ folium. s. lis & breue granum,

Iuglindesq; duas, totidem cum corpore ficus,

Ex oriente di. parco conssersa Lyxo,

Sumebat, metuens, lederat quæ pecula mater.

Et VVeckin sp. lib. 2. sect. 21. de Elect. contra venena & pestem.

℞ nucum iuglandium siccarum vnc. vj.

Ficum siccarum vnc. iij.

Fol. rutæ Hortensis siccor: vnc. β.

Salis communis drach. ij.

Hæc omnia in minutas partes concisa, aquâ rosarum imbuantur; neque, vt quidam volunt, terantur. Aliqui hæc miscent succo acetosæ, aut aceto rosaceo. Nōnulli etiam addunt granorum uniperi vnc. β. Hoc antidotum, ieiuno stomacho sumatur ad quātitatem nucis castaneæ. Estque aduersus omne venenum & pestem præseruatium.

De angelica odorata. C A P. XX.

℞ Radicum angelicæ odoratæ drach. β.

Theriacæ Andromachi drach. j.

Temperètur in aqua stillatitia cardui bened. vel tormentillæ q. s. detur hoc morbo affectis: Et fac eos deinde sudare in lecto. Atque post sex horarum spacium ijsdem hinc exhibetandundem. Et hac sola antidoto nonnulli sunt liberati, quemadmodum potest quoque sumi parum huius radices à ieiuno, hora matutina: quod est probatū in omni veneni genere. Dodon. 2. 5. 24.

De Coriandro.

CAP. XXI.

Coriandri semina, in aceto macerata, deinde resiccata, & præsertim à cibo assumpta per se, vel cum saccharo confecta, utilitatis, & auxiliij multum conferunt, dum ventriculi humiditatem resiccant, & ciborum concoctionem promouent, teste Auic. 2. 2. 144.

R. coriandror confect. quæ nimirum sint media ex parte saccharo tecta, & cooperta drach. ij
Vini odoriferi vnc. ij
Misce pro dosi vna.

Confert quoque assumere saccharum rosarum temporibus calidis.

Modus curand febrem pestilentem.

CAP. XXII.

Magnæ, vehementes, acutæ, ac, ut aiunt, rigorosæ, profectò sunt hæ febres pestilentes, quæ quandoque cum tanto impetu personam insultantes inuadunt, ut illam per suum virus attractam & inquinatam, absque vlla mora, absque alicuius remedij expectatione, miserè laniatam interimant. Quapropter necessarium est, in hoc mortifero flagello Medicum adesse præsentissimum, & ad operationem promptissimum, qui è vestigio, quasi in momento, principalia (nimirum quibusdam ad methodum spectantibus nonnihil postpositis, ne dicam neglectis) auxiliorum remedia administret, quæ tantæ sint virtutis, efficacix, & vigoris, ut malum ipsum superantia citius interimant, quam cor ipsum offendatur, eiusque temperies lædatur

Quæ

Qua de causa plurimum expedit, quàm primū ad magna antidota, hoc est, ad Theriacam, & Mythrīdatum, tanquam ad asylum tutum, ne dicam ad facram ancoram, in huiusmodi affectu confugere, & ex ijs drach. j. assumere omni septimana: Aestate quidem cum pauca aqua rosacea, vel cichoracea, hyeme verò cum pauco vino bono, & odorifero. Aut equidem assumatur cum succo rosarum, vel cum aqua citri, sex horas ante cibum, stomacho ieiuno, & ab omni repletione libero, aluo non styptica, &c.

Mythrīdatum verò in omni casu debet potius & in maiori quantitate assumi, quam theriaca. Atque illud omni hebdomada assumendum est ad pondus drach. j. ieiuno stomacho, & super ieiunandum per horas quinque.

Sed cum insuper hanc febrem semper comitatur malignitas, quæ directè cordis virtutem opprimit, velim ut in omni euacuatione medicamentis tum minoratiuis seu lenitiuis, tum eradicatoriis seu expurgatiuis addantur nonnulla, quæ cor confortent, ipsiusque virtutem adaugeant, robustiorem reddant, atque prauam & occultam veneni qualitatem opprimant, & cum omni vigore radicitus expugnent: Ex quo fiat, ut in euacuatione virtutem cordis retineamus, sustentemus, & confirmemus.

Minoratiuum igitur in hac febre pestilente, quæ ex bilis seu choleiæ putrefactione dependet, erit huiusmodi:

℞ vnionum, seu margarit.
Hyacinthor.
Smaragdor

} an. drach. j

C 3

In bile.

Plin. lib. 37.

ferè toto.

Disp. Colon.

p. 29.

VVeck. in sp.

Radi- lib. 1. f. 8. 6.

Radicum valerianæ	} an. M. β.
Buglossæ	
Borraginis	
Corallor rubror	} an. drach. β.
Been albi, & rubri	
Serici crudi	

Hæc omnia benè contusa, & simul in linteo seu petia colligata infundantur & macerentur per noctem vnam, in aq. endiuix, buglossæ, tormen-
tillæ, dictamnij albi an. partibus æqual. Deinde
bulliant vnâ solùm ebullitione: In hoc decocto
dissoluantur.

Mannæ el:	vnc. ij.
Rhabarb. opt.	drach. j. β.
Spicæ	gr. vij.

Et fiat potio, quæ patienti detur in aurora, co-
modo, quo alia medicamenta assumuntur.

*In hac dicta potione plura notanda veniunt. 1, Lapid s
potius puluerif. ntur, & in fine decoctionis indantur: 2. flo-
res buglossæ, & borraginis hu. potius, videlicet cor. i. l. s,
quam radices aut herbe simantur: 3 Rhabarbarum in hoc
decocto potius per aliquot horas infundatur: 4. deinde man-
na dissol. tur: 5. hæc patio pro dosi vna in corpore Germa-
no videtur nimis magna: 6, cætera à fideli Pharmacopœo
f. a. fiant.*

Aut posset minui ingredientium materia, vt in
sequenti medicamento.

R. Mannæ el.	vnc. ij.
Elect. è succo rosat:	drach. ij.
Rhabarb. opt.	drach. i. β.

Infundatur rhabarb. f. a, in aq. endiuix & tor-
mentillæ, cum modica aq. è spica, per horas
decem

decem : deinde fiat fortis expressio : Et addatur.

Elect. Trypherae Persicae drach. i. β.
Misceantur, & f. potio vna, & detur aegroto.

Cum verò fuerit materia illa pituitosa, mor. In Phleg-
bi effectrix ; quæ prædominatur in ipsa febre mate.
pestilente , non differatur in principio di-
minutio per ea medicamenta , quæ virtu-
tem euacuandi in se habent ; cuiusmodi est
hoc :

℞ Agarici	scrup. iij.
Turbith puluerisati	drach. i.
Zingiberis	} an. gr. iij.
Salis fossilis, seu gemmæ	
Cassia recens ext :	drach. vj.

Infundatur agaricum in oxymelite simpl. cum
suis correctiuis simul per horas decem : Dein-
de f. fortis expressio : pulueriscentur, & infun-
dantur omnia, & Misc. simul. Et dissoluan-
tur in suprâ dicto decocto cordiali. Et f.
potio.

Atque ita minorata materia, concoquantur
ipsius reliquæ : Qua in re detur infrâ scrip-
tus syrupus , donec signa concoctionis appa-
reant. Itaque postero inane detur infrâ scriptus
syrupus.

℞ Oxymelitis simpl.	} an. vnc. i. β.
Syrupi de radicib. duab. decortic. citri.	
Aq. ex dictamno albo	} an. vnc. i.
Borragine	
Betonica	

C 4

Misce

Misce, fiat syrupus: Et aromatizetur, seu con-
diatur cum modico croci, & cinnamomi. Atque
detur ægroto, in annora.

Aut f. syrupus infra scriptus Magistralis.

℞ Beem albi & rubri	} an. drach. ij
Offis ex corde cerui	
Margarit. perforatar.	
Non perforat.	
Boli Armenæ orient.	
Myrobalanor Indor,	
Citrinor.	
Sem. citri	

Pulueris entur puluerisanda subtiliter, & simul
misceantur, & bulliant cum aquæ horraginis,
Iupuli, dictamni albi an. vnc. iij. ad consumpt.
tertiæ part. aquæ: Deinde colentur, & collaturæ
addantur succi ex grauatis dulcibus vnc. vj. Ac
denuò bulliant simul, igne lento, ad vnā solū
ebullitionem: Et cum sacchari q. s. fiat syrupus,
qui detur infirmo, hoc modo.

℞ syr. dicti	vnc. j	} an. vnc. j
aq. betonice		
Iupulor		
Tormentillæ		

Misce, & fiat syrupus pro dosi vna.

Quando iam signa & indicia concoctionis
apparent, si constent virtus & ætas, detur medi-
camentum infra scriptum, semper cum periti
Medici consilio. Ergo,

℞ Elect. dia catholic.	vnc. β.	} an. gr. iij
Elect. Indi.	drach. ij	
Agarici opt.	scr. iij	
Zingiberis		
Salis gemmæ		

Elect:

DE PESTE.

Elect: Trypheræ Perficæ }
 Turbith gummati } an. drach. j

Infundatur agaricum, veluti suprâ: Pulverisen-
 tur puluerisanda: Et misceantur simul: Deinde
 cum decocto cordiali suprâ scripto f. potio, quæ
 detur eo modo, quo solent dari medicamenta.

*In melan-
 cholia.*

Si demum in ipso febris pestilentis principio
 reperiatur abundantia materiæ melancholicæ,
 minoretur (minuatur inquam) ipsa quoque, &
 detur medicam. infrâ scriptum.

Rx Elect: dia senna lenit. drach. vj
 Confect. Hamech drach. ij
 Cassiæ recens extr: drach. iij

Misce, & dissoluantur cum aqua melissæ q. f. Et
 f. potio, quæ detur ægroto circa auroram.

Si deinde hic quædam materiæ melancholi-
 cæ, reliquiæ & portiones, cum virulenta, &
 maligna qualitate grauissimè cor infestante &
 opprimente, remanserint, concoquantur cum
 syrupo infrâ scripto.

Rx syr. ex pomis compos. }
 ex Lupulis } an. vnc. s.
 ex endiuia }
 Aq. Tormentillæ }
 Lupulor } an. vnc. j
 Buglossæ }

Misce, & sumatur in aurora, sicut syr. alij.

Aut sanè concoquatur ipsa materia residua
 videlicet melancholica cum syr. infrâ scripto
 magistrali.

Rx epithymi }
 Thymi }
 Polypodij quercini } an. M. s.
 Comarum fumariz }

C s

Cortic.

Cortic. citri	} an. vnc. ʒ
Radicum valerianæ	
Buglossæ	
Borraginis	
Been albi	} an. drach. ij
rubri	
Ligni aloes	
Ossis ex corde cerui	} an. drach. ʒ
Serici crudi	
Limaturæ auri	

Dispens. Col.

p. 75.

Fragmentor. preciosor. drach. iiij

Bulliant omnia s. a. in tanta quantitate aquæ ex tormentilla, quanta est necessaria, usque ad consumpt. medietatis: Deinde his addantur:

Ellebori nigri drach j

Succi ex pomis dulc. vnc. iiij

Syr. ex fumaria vnc. iiij

Denuò bulliant simul, igne lento, cum sacch. q. s. fiat syr. Et

℞ syr. huius vnc. iiij

Aq. ex tormentilla vnc. ij

Ex radic. valerianæ vnc. j. ʒ

Misce, vt sumatur in aurora, sicut alia medicamenta. Atque hoc medicamento plurimas experientias sese fecisse testatur Excell. Victorius, vt apud illum videre est cap. 21. de febre pestil.

Ab astantibus, & ægroto inferuentibus diligentissimè obseruetur, & indefesso studio, atque industria semper aduigiletur, vt in omni febris pestilentis ardore, ac in quacunque alterius generis febre, ægroti lingua iterum, atque iterum repurgetur cum quodam calamo, seu bacillo, in modum annuli incuruato, cum manubrio, qui sit in aceto emollitus. Hoc inquam infirmi

firmi lingua clementer emundet, & abstergetur: Necnon conuenienti quodam humido à squallore ipsa defendatur.

℞ Hordei à paleis repurgati	vnc. iij
Aquæ fontis, leuis	lib. vj
Corinthiacar. in vino macerat.	vnc. ij
Sem. 4. frigid. maiorum	} m. drach. ij
Sem. coriandri	
Cinnamomi	

Hordeum antea repurgatum & lotum, infundatur per horas sex: deinde fiat s. a. decoctio, qua utatur infirmus pro oris collutione, & si velit pro potu.

Alius quotidie vel natura, vel clystere iniectione obediatur.

Cordialia simplicia & composita potissimum frigida, continuè administranda: De quibus Auicenna lib. pro prio. & passim alij.

Elect. pro corde calida & frigida contra venena & pestē describit VVeck. in sp. li. 2. sect. 21.

Odorabilia pro cerebro confortando: de quibus infra.

Modus & ratio carbonem attrahēdi & maturandi.

C A P. XXIII.

IN hac peste, & febre pestilente exorta sæpe numerò apostemata, veluti carbunculi, seu, ut nunc volumus dicere, glandulæ, seu glandes vstæ, superueniunt. Quorum apostematum curatio est, ut omnium primùm opera & industria adhibeatur, ut materia illa maligna, & venenosa à centro & corde veniat, & attrahatur ad superficiem, & eundem, in quo carbunculus, locum, quæ nunc attrahita per apostematis apertionē leuetur, & remoueatur, sicuti iamiam dicetur.

Pri-

1 Primus modus materiam à centro seu corde ad superficiem seu cutem attrahendi est hic:

2 & gallum gallinaceum, iuuenem, adhuc virginem, cuius plumæ sub ventre versus nates extrahantur, atque ita viuus partim implumis, secundum partem illam implumem carbunculo, vel etiam buboni, applicetur, & illic detineatur applicatus, donec moriatur. Ita enim videbitur hoc apostema aperire, & multum materiæ à partibus intrinsecis ad extrinsecas attrahere. Si verò pulli gallinacei non possint haberi, iam pipiones, columbi, & aues factæ implumes præstabit eundem effectum. Mortuo verò, & profundè sepulto primò gallo, sumatur secundus, quo mortuo, & sepulto (ne ab eo inficiatur aer, & locus ambiens) tertius; atque ita deinceps, donec tandem, omni veneno iam extracto, nullus amplius moriatur.

Secundus materiæ attrahendæ modus est, ut novos iterum, atque iterum gallos vel pipiones capiamus, eosque secundum longitudinem dissecemus, & super partium vnā imponamus Andromachi theriacam magnam, & optimam, illamque super hoc apostema applicemus. Hoc quidem videbitur auxilium & iuuamentum ad materiam ab interno ad externum attrahendam præstantissimum: Et ratione theriacæ malignos pestis dolores mitigabit.

3 Tertius verò modus est per linimentum infra scriptum, quo iteratis vicibus frequenter apostema inungendum est: Et hoc in materia pestifera à centro per apostematis locum extra corpus attrahenda, est auxilium optimum, & expertum.

Be sus.

℞ succi apij, seu selini
 scabiosæ
 consolidæ minoris, seu brunellæ
 acetosellæ
 atclepiadis, seu hirundinariæ
 rutæ hortensis
 pomorum granator.

} an. vn. iiij

Misceatur, & cum vitellis ouorum q. s. fiat s. a.
 linimētum cum cera noua pauca: Ex hoc q. s. ex-
 tendatur super petiam seu linteum: quod super
 dictum apostema, vbi prius cum eodem limēto
 fuerit inunctum, applicetur.

Quartus est, vt super apostema affigatur eu-
 curbitula vel scarificata, vel ventosa magna,
 qua mediante apostema extrinsecè non mul-
 tum accrescet: quo factò multa materia ex-
 trorsum educetur. Ac dernde subito cum Lan-
 ceola (lanzettam vocant Itali) vel scalpello in-
 cidatur totum apostema, & perforetur, aut in
 circuitu à parte sana separetur, aut illi indatur
 ignis quadam virga, seu instrumento aureo, ig-
 nito, in locis tribus vel quatuor, in eum finem,
 vt materia facilius foras egrediatur, & membrū
 à noxa subleuetur, & corroboretur. Deinde post
 vulnus ab igne inustum statim applicetur illi
 emplastrum infra scriptum.

℞ malorum puniceor. seu granator. in portio-
 nes quatuor iuciforum numero decem, bulliant
 tamdiu in aceto fortissimo, donec emollita li-
 queant: deinde colentur, & colaturæ addantur
 Succi ex brunella, seu consol. minore
 ex aceto sella
 ex apio seu selino

} an. vn. iiij

Theriacæ magnæ

vnc. β.

Misce

Misce, & f:emplastrum, & administretur, vt dictum est. Si verò infirmus breui temporis intervallo non conualeſcat, relinquatur Medicorum ministris & Chirurgis, qui fideliter instituti non defistant operari.

Quintus & vltimus est, vt capiatur hoc emplastrum attractivum, & maturativum, & applicetur secundum locum & tempus.

℞ vitellor. ouorum recent. nu. iij
salis ad pondus ouorum.

Et cum succo scabiosæ, q. s. incorporentur, ac extendantur super perias, quæ ad singulas medias horas renouentur: idque per horas quinque continuetur: Deinde excorietur locus puncturæ seu glandulæ vltæ cum nouacula seu rasorio, aut applicentur hirudines, vulgò sanguiſugæ.

Quod si ad hunc dictum modum facere, & operari non possimus, iam super ipsum malum imponemus cauterium ignitum, quemadmodum paulò suprà quoque monuimus.

Quod si quis vel Medicus, vel ægrotus tantum animi, vt cauterium illud administretur, non habeat, fiat vesicatorium, vulgò ruptorium infra scriptum.

℞ vicioli Romani

Arsenici

Calcis viuæ puluerisatæ

} an. q. s.

Incorporentur cum fermenti q. s. Et cum croco pauco: Ac totum hoc vesicatorium in linco seu pctia ad vnius ducati aurei rotunditatem extensum imponatur in medio partis ita malè affectæ: Et super ipsam pctiam carbunculo impostam, emplastrum infra scriptum in maiori & latiori pctia seu panno lineo extensum superimponatur.

ponatur.

℞ foliorum malvæ } an. M. j.
radic althææ }

Decoquantur vna, & in mortario bene pistentur, seu pistillo contendantur, quibus deinde addantur.

Butyri recentis insulsi } an. vnc. j. β
Adipis seu axungia porci }
Olei lilior. albor. vnc. β
Vitellor. ouorum nu. iij
Coci orient. scr. ij

Misce, & fiat s. a. emplastrum, quod extensum, ut modo dictum est, superimponatur malo, *Genes. cap. 3.* quod per auxilium Domini Dei curabitur, qui & 2. virtutem, robur, & fortitudinem ipsis indit me. *Eccles. c. 38.* dicamentis, & eandem, quotiescunque suæ di. & possim. uinæ placet maiestati, potest eximere, & auferre. Usque adeo ut non ponamus absolutè spem salutis corporeæ in ipsis remedijs, seu medicamentis naturalibus, sed primùm in domino Deo, qui ad hominis vsum & ministerium creauit omnia.

Vesicantia pro petechijs, & alijs malis conficienda.

C A P. XXIV.

QVandoquidem multæ admodum experientia se se passim offerunt in diuersis morborum affectibus, & particulatim in exanthematibus, efflorescentijs, & petechijs, in quibus Medicorum alij vesicantia, (vesicatoria, & ruptoria vocant) administrarunt, suosque infirmos liberarunt, & persanarunt, alij alia contrà, qui illa negligentes non adhibuerunt, suos infirmos ad optatam sanitatē haud reduxerunt. Ideo à multis M-

Medicis tam antiquis, quàm modernis experientia facta est tanquam per ignem vel per modum ventosarum, vel per modum excoriationis, seu scarificationis administratum. Verùm hoc quod fieri potest vesicatorium, erit securissimum.

Hoc vesicatorium paulò aliter conficitur & applicat Hieron.

Capiuae. lib. 6. c. vlt.

Dod. 3. 3. 16.

Rx cantharid. præp.

Fermenti

Caricarum

Sem. sinapios pistillo contusi vnc. j

vnc. β.

vnc. iij

nu. iij

Misce, & cum aceto forti fac pastā seu massam, de qua illuc secundum Medici iudiciū, & voluntatē applicetur. Poteris etiam sumere herbam (quā flammulā vocant) & ipsam pistillo contundere, atq; ita contusam applicare in internis coxarum seu femorum partibus, digitos quatuor supra genua, atq; etiam in internis crurū partibus longè ab alijs vertebris, idque propter quantitatem musculorum, qui in ijs inveniuntur partibus.

Eapropter est animaduertendum, ne hoc vesicatorium infirmo applicetur ultra horas quatuor, vel quinque circiter. Et statim post ablatū hoc medicamentum super cicatricem imponetur emplastrum ex caulibus, seu brassicis cum butyro contusis factum: idque fiet per dies circiter octo: Et postea sumetur vnguentum ex minio, & extendetur super petiam, & applicabitur in eo loco, vti vesicatorium illud fuerat appositum: quod subitò infirmum resanabit.

Vnguentum

albū ex mi-

nio. Florent.

Week in sp.

li. 2. f. 28.

Quomodo fiant & applicentur epithemata cordialia, & capitalia.

C A P. X X V.

Ertor

Error profectò grauissimus mihi committi videretur, si in hoc quantumlibet exiguo tractatu non demonstrè modū pro corde, & cerebro conficiendi epithemata, (irrigationes, seu irrorationes) cum hac tanti momenti, vt tā necessaria ad impediendum & prohibendum huius improbi affectus occursum, & insultum: necessaria inquam ad hæc membra principalia præmunienda ac defendenda, quæ primū per putridos humores, qui ad ipsa concurrunt, inficiuntur. Primū itaque

℞ Theriacæ Andromachi antiquæ vnc. ij
 Boli Armenæ orient. drach. ij
 Camphoræ scr. j
 Aceti fortissimi vnc. ij

Misce hæc omnia, & ponantur in panno seu petia serici purpurei, vel rubri, & cordis regioni applicentur, & ad singulas tres horas renouentur.

Verū oportet animaduertere, quod si febris inuadat, quando æstus vehemens, & magnus est, tunc minuendum est pondus Theriacæ ad vnc. j. Et addantur

Sandalor: albor:	} an. drach. j
rubror:	
Gummi orient: seu carabes	}
Coriandr: præp:	
Aq. rosarum	} an. vnc. ij
Aceti fortis	

Et fiat cum hac mistura, sicut modò dictum est.

Secundum epithema pro corde miraculosum, & expertum.

℞ sandalor: rubr: }
 albor: }

D

Ossis

Offis ex corde cerui }
 Been albi } an. drach. ij
 rubri }
 Cortic. citri }
 Limonum } an. vnc. β
 Camphoræ }
 Croci orient. } an. gr. v
 Vini albi odoriferi }
 Aceti rosac. fortiss. } an. vnc. iij
 Aq. Borriginis }
 Tormentillæ }
 Cichoreæ } an. vnc. iij
 Rosar. }

Puluerisatis ijs, quæ sunt puluerisanda, bulliant
 omnia simul ad vnā ebullitionem: Et deinde
 fiat epithema pro corde cum panno serico pur-
 pureo (scarlatum appellant) si haberi potest, &
 ipsi cordi iterum atque iterum applicetur. Hoc
 etenim per suam benignitatem, & temperatu-
 ram cordis vires erigit & corroborat, necnon o-
 mne venenum, quod erat promptum inuadere
 cor præcipuum corporis nostri membrum, eij-
 cit, & propulsat.

3 Tertium epithema ad afflictam corporis vir-
 tutem restaurandam, & ad putredinem resoluē-
 dam, atque ad expellendos fumos improbos, &
 vnnenolos, qui in cor nostrum, tanquam arcem
 fortissimam, in qua principe residet vita nostra,
 insolenter insultant:

R Theriacæ magnæ Andromæchi vnc. j
 Succiacetosa }
 Citri } an. vnc. β
 Limonum }
 Coral-

Corallor. rubr. } an. drach. ij

Sem. ros. rubr. }

Camphoræ

Croc. orient. } an. scr. β

Cinnamomi }

Misceantur omnia simul, & f. a. fiat unguentum cum pauca cera. Quo inungatur vespere, & manè tota illa regio suprà, & circa cordis locum, suprà quam inunctionem collocetur portio, seu peria linamenti serici Carmesini, vel cremesini, (fortasse Cremonensis) Hoc præsentissimum habetur remedium, & singulare quoddam auxiliū ad confortandam cordis virtutem, atque ad ipsum à peste præservandum, & præcustodiendum. *Dodon. 6. 4. 4. de ilice eo cocco*

Et quum ita fiat, vt in his morbis pestilentibus cor suam acquisitam malignitatem ipsi cerebro per consensum communicet, proinde ipsum in his malis debet præmuniri, & corroborari, vt robustius ad repellendum, aut foras eijciendū id, quod noxium est, reddatur.

Quartum & vltimum epithema pro cerebro: quæ pars corporis nobilissima confortatur cum aromaticis, & odoriferis, sicuti aqua rosacea, cū qua sit permixta parua camphoræ quantitas pondusque: qua bene permixta irrigentur tempora, nares, frons, aures, &c. Veruntamen hic aliud in mentem venit remedium ad caput confortandum magis oportunum, quod est hoc subscriptum.

℞ portionem, seu partiam linamenti albi, (id est, telæ albe) & eam tinge seu imbuere in mixtura infra scripta, atque cerebro vel fronti apud commissuram coronalem impone.

D 2

℞ aq.

℞ aq. rosaceæ	vnc. ij
Olei rosac: completi	vnc. j
Aceti fortiss:	vnc. j. β
Camphoræ	scr. j
Sandalor: albor:	drach. fl

Misce, & operare, sicuti modò dictum est:

Quod infirmo iuuatuum erit longè præstan-
tissimum.

*Oleum ad inungendum pulsus, caput, & cor tum in
sanis, tum in agri.*

CAP. XXVI.

℞ Cortic: citri minutim incisorum	drach. iij
Sandalor: citrinor:	drach. ij
Beem albi } an.	drach. fl
rubri }	
Theriace antiquæ	vnc. j

Bulliant in olei rosacei completi q. s.

Et in aceto paucò:

Deinde coletur, & colatura seruetur in ampul-
la, ad vsum pro sanis, & ægrotis.

*Oleum salubre seu medicatiuum è scorpionibus, ad
inungendum, quando quis sese sentis
infirmum.*

CAP. XXVII.

℞ Olei ex oliuis antiquissimi	lib. j
Scorpionum	nu. 1000

Et foco simul apponantur, & bulliant, lento ig-
ne, donec scorpiones exiccentur: postea, abiectis
ipsis scorpionibus, indatur:

Theriace antiquæ	} an. vnc. j
Rhabarbari el:	

Et

Et auferantur ab igne: Misceantur, & omnia simul bene agitentur, donec refrigerint: deinde colentur, & ad vsum referuentur. Atque cum hac mixtura, seu oleo inungatur cordis regio circumcirca. Sed diligenter animaduertatur, ne os nasus, & alia loca perforata cum præsente periculo attingantur. Deinde obforuetur, vt hæc mixtura fiat cum bacillo longiore: Ita vt is, qui miscet, auersus stet à furno, ne caput ipsius offendatur. Atque oleo sic facto, scorpiones abijciantur, quocunque necessarium.

Remedium ex cepa.

Nolo hic deficere in ascribendo remedio ex cepa (vel allio) facto, longè optimo, & præstabilissimo, Ergo accipies cepam albam aut quamcunque, quam excuabis, seu in qua facies foramen, quod Theriaca, vel Mythridato, & succo citri pauco adimplebis: atque ita ipsam sub cineribus coques: Postea bene coctam excorticabis, & inde succum extrahes, eumque adhuc calidum ebibes. Hæc res est multum approbata: Authore Alexio Pedemontano, lib. 1, p. 113.

Vnguentum lenitiuum, & somniferum pro pulsibus & corde.

C A P. XXVIII.

℞ Theriacæ antiquæ	drach. ij
Vnguenti de nympha citrini	vnc. β
Croci orient.	scr. β

Cum succo limonum q. s. fiat linimentum:

(De hoc ex nymphaa vnguento Medici Florent. & VVeck.
℞. in lib. 2. sect. 28.

Confectia pro infirmo confortando.

CAP. XXIX.

℞ Conseruæ borraginis }
 Rosar. } an. vnc. ij
 Buglossæ }

Hyacinthi }
 Smaragdi }
 Sappheiri }
 Cryltalli } an drach. β
 Corallor. albor. }
 Sem. acetosæ }
 Citri }
 Portulacæ }

Limaturæ auri & argenti scr. j

Hæc omnia incorporentur cum syr. limonum,
 aut cum aqua rosar. Et ex hac confectioe detur
 infirmo ad suum placitum.

Confectio pro refocillando.

Medici Colo- ℞ manus Christi perlata quantum velis, & de
 niens, p. 128. hoc detur infirmo ad suum placitum:

Aut sacchari violati.

Aut citri conditi.

Ne scilicet labascet, & succumbat virtus, velut
 in hoc affectu solet.

Præter hæc omnia præscripta medicamenta,
 & alias multas prouisiones, & defensiones ha-
 stenus enarratas, mihi adhuc superest aliud re-
 medium longè præstantissimū, & ad refocillan-
 dos rû agrotos, tum sanos expertissimum. Ergo:

℞ Radicum vrticæ fœtidæ vnc. j. β
 Croci orient. drach. ij
 Sem. erucæ }
 Radicum angelicæ } an. vnc. β
 pimpinellæ }

Misce,

Misce, & fiat puluis subtilissimus: Et huic s.a. indantur.

Theriaca Andromachi vnc. iij

Ex hoc puluere assumatur singulo & summo manè scr. i. Et hoc est preciosissimum, quod inueniri potest, remedium, multoties ab excellentissimo Prospero Burgaruccio Medico probatū.

Odoramentum.

Odores continuētur ex aceto rosaceo, & medica camphoræ, & sandalorū portione: Aut continuetur pomum, seu pila beue odorifera in manu gestata, sicuti hic infra ascribetur c. 31. & 32.

Antequam enim ad finem huius mei tractatus perueniam, nolo deesse vobis in ostendendo modum conficiendi has pilas, & has spongas odoratas, expertas, & vsitatiores.

Fumi odorati factiij.

C A P. XXX.

Quando cōspicitur hic affectus vltius proserpere, & augmentum sumere, necessariū erit omnem totius domus, & habitationis aërem exiccare cum incensis ignium flammis, ex ligno bene odorifero factis, ex re suauī, laudabili, & confortante, vtpotē ex ligno aloēs, ambra, thure, styrace calamita, mastiche, croco, corticibus citri, limonum, aurantiorum, schoeni anthou, an. ad partes æquales. Et misceantur omnia simul: Atque portio quædam parua ex hac mixtura iuijciatur singulo manè in ignem ex iunipero, lauro, vel cupresso factum, idque per totam habitationem.

Expurgata iam domo, ac vniuersa habita-

tione lauetur facies cum aceto (seu potius pos-
ca, hoc est, vitro vno aceti, & vitri is duobus aque
fontis, vel putei simul permistis) aqua rosarum,
aqua myrti, aqua citri, tempore potissimum æ-
stiuo.

Poterunt quoque vestes imbui fumo ex mix-
turis suprâ dictis excitato ad corruptum aerem,
qui in illis latuerit abditus, corrigendum, & ex-
iccandum.

Tempore verò hyemali fiant lotiones, & fu-
mi, seu suffitus, in quorum vsum adhibeantur,
aqua rosar. vinum maluaticum, portiuncula
camphoræ, ad lauandam faciem & manus. De-
inde

℞ Thuris	} an. partes equales.
Ladani	
Balanorum	
Syracis calam.	
Corticum citri	

Pulueris erunt omnia, atque de ijs parum pona-
tur in igne super batulum (palettam vocant Ita-
li) incenso, ac fumus & suffitus exciteur.

Hoc eodem tempore fiant ignes ex cupresso,
roremarino, iunipero, fraxino, lauro, &c. tam in
ciborum præparatione, seu coctione, quàm etiã
extra illam in sana domesticorum custodia.

*Pomum odoratum continuè in manu tempore æsta-
tis gestandum.*

C A P. XXXI.

℞ Succi de acido citri	} an. drach. j. ß
Limonum	
Caryophyllor:	}
Camomi	

Nucis

Nucis moschatæ
 Macis electi
 Folij
 Ligni aloes.
 Sandalor: albor:
 rubrorum
 Ambra grysea
 Moschi sinceri
 Ladani sinceri

} an. scr. iiii

} an. scr. j

Misce, & puluerisentur puluerisanda, & misceantur simul omnia, & ducantur, atque incorporentur cum pistillo calido, & cum exigua aqua rosacea portione: Et s. a. fiant pilæ seu poma, circiter molem nucis iuglandis, seu pilæ parvæ palmaris.

Ambra citrina, ambar, ambarum, carabe, succinum, & oleum sunt ferè synonyma, & equipollentia: sed ambra grysea seu odorata longè est preciosior: Medici Colon. p. 55. & FVeck. in sp. lib. 1. sect. 7.

Secundum pomum odoratum.

R Ladani sinceri seu electi
 Styracis calamitæ
 Sandalor: alborum
 Boli Armenæ orient.
 Ligni aloes
 Corticū citri
 Croci orient:
 Moschi odorati
 Ambra grysea
 Camphoræ

} an. drach. ij

} an. drach. β

} an. scr. β

} an. scr. β

Misce, & cum aqua rosar: q. s. fiant s. a. pilæ seu poma: nimirum maiora vel minora secundum loculos emptoris.

Tertium pomum odoriferum.

D i

R La

- 3 **R** Ladani electi vnc.β.
 Styraci calam. vnc.iiij
 Ligni aloës drach.β.
 Myrrhæ el.
 Caryophyllor. } an.drach.ij
 Rosarum rub.
 Moschi odorati } an.gr.iiij.vel.vj.
 Ambræ gryseæ
 Succu valerianæ vnc.j.
 Misce, & s. a. fiant poma cū pauca succi ex bug-
 lossa, vel melissa extracti portione.

- 4 **Q**uartum pomum pro tempore hyemis.
R Styracis calam. drach.ij
 Ladani el. drach.iiij
 Spicæ nardi
 Gallæ moschatae
 Corticum citri } an.drach.β.
 Calami aromatici
 Moschi
 Croci orient.
 Misce, & cum aqua florum citri s. a. fiant pilæ
 seu poma.

- 5 **Q**uintum pomum odoriferum.
R Balsami Arabici liquidi vnc.β.
 Ladani el.
 Styracis calam. } an.drach.iiij
 Moschi odor. }
 Ambræ gr. } an.gr.v.
 Ligni aloës scr.iiij
 Rosarum rubrarum vnc.β.
 Misce, & cum aqua florum citri s. a. fiant pilæ,
 quæ tempore hyemali magnis principibus, &
 prælatis inseruiant sumptuum gratia.

Spongie

Spongia odorifera in manu tempore aestiue gestanda.

C A P. XXXII.

℞ Pilas quasdam ex ligno cupressi, vel iuniperi
tum excauatas, tum multifariam perforatas, &
ad hunc usum accommodatas; quibus aliquam
spongię nouę in decocto infra scripto intinctę,
& imbutę portunculam inferre, & includere; quę
spongiosę pilę in manu gestatę tibi inseruiant
loco pomorum odoratorum.

℞ Aquę rosar.

Aceri fortiss.

Sandalor. rub.

Croci orient.

Singulorum quantam ad operationem videbi-
tur sufficere: Et fac ut bulliant: ac deinde spon-
giam tuam intinctam imbue: atq; in pila in mo-
dum ad cuculę seu scatulę facta include, ut inde
uersus graecolentem aeris foetorem tibi, tuisq;
naribus inseruiat.

Spongia pro hyeme.

℞ Aceti rosar

Viui maluatici

Caryophyllorum

Croci orient.

Moschi odorati

Ligni aloës

} an. vnc. ij

} an. drach. β.

} an. scr. j

Misce, & bulliant vna ebullitione, & fiat
ut supra.

Eodem etiam modo

℞ Aceti rosati fortis

Syracis liquidi

Sandalor rub.

Moschi odor.

Aquę tormentillę

vnc. ij

scr. β.

scr. ij

scr. β.

vnc. ij

Dissoluan-

Diffoluatur primùm styrax in aceto: deinde s. a. misce, lento igne, & tibi inferuiat, vt modo dictum est. Sunt hæc omnia per experientiam probata.

Sacculus (amuletum vocant) super cor gestandus.

CAP. XXXIII.

Rx Pul. rosar. rubrar.
Dose. i. i. s. Sandalor. rub.
 Corallorum rub. } an. drach. j
 Spodij.
 Carabes, seu electri
 Ossis ex corde cerui
 Camphoræ
 Croci orient. } an. gr. iij
 Ambre gryf.
 Ligni aloës } an. scr. ij
 Caryophyllor

Dose. 6. 4. 4. Misce omnia, & concinna in panno serico coccineo, (seu granis, & coccis Indicis tincto) ad formâ cordis, & super cordis regionē gestetur.

Sacculus secundus cordi applicandus.

Rx Florum nymphae
 Buglossæ } an. drach. iij
 Rosarum rub.
 Ligni aloës
 Corticum citri } an. drach. j
 Sem. basilici
 Fol. dictamni
 Zedoariæ } an. scr. s.
 Cyperi
 Baccar. iuniperi
 Croci orient. gr. iij
 Fragmentor. preciosor. drach. s

Ambre

Ambræ grysez } an.gr.ij
 Mosehi odoratti }

Misce, & in sacculo ex panno serico, coccineo, seu carmesino concinneretur, vt supra.

Tertius sacculus, amuletum, seu periammatum manifestè, tum oculis iuuans.

R Ladani el. } an.drach.j

Syracis calam: }

Caryophyllor. drach.ß

Camphoræ

Nardi

Nucis moschatæ } an.gt.vij

Hieron. Ca-

pinac. lib. 6.

c.p.30.

Omnia in puluerem subtilem contusa & permista ex aqua rosar. in qua tragacanthum & gumi Arabic. maduerint, addito arsenico q.s. redigantur in amuleta ij. vel iij. ad formam cordis in serico purpureo vel rubro à collo contra pestem imminèntem gestanda, &c.

Vnguentum pro cordis regione.

R Theriacæ Andromachi drach. iij

Terræ Lemniæ }

Sandalor. rub. } an.drach.j

Aceti rosati

Cum aqua rosar. q.s. fiat ad modum, & consistetiam vnguenti, & vngatur cordis regio.

Aqua, quæ cerebrum, & cor confortat, ad cuiusque placitum bibenda.

R aq. endiuizæ }

nymphææ } an.vnc.vj

acetosæ

Vini ex malis granatis

vnc. viij

Aceti fortis

vnc. ij

Sacchari puriss

vnc. j.ß

Misce, & de illa detur iufirmo ad satietatem.

Ad

Ad prouocandum sudorem.

CAP. XXXIII.

* Intelligi-
tur aut be-
chium, aut
petasites: Do-
don: 4, 5, 19,
20.

Possunt etiam, quando quis ab huiusmodi æ-
gritudine sese offensum persentit, prouoca-
ri sudores cum radice farfaræ maioris, * epo-
to eius succo ad pondus vnc. iij. cum
Theriace antiquæ drach. j.
Et coopertus cum pannis lineis vt sudet, ad ig-
nē calefactis in lecto quiescat; & illis frequen-
ter abstergetur.

R quoque, si placet, oleum vitrioli, ebibe cum
vino aut decocto hordei ac deinde suda. Verum
in hoc oleo bibendo prudentia opus est; quia
huius non cyathi integri, sed guttū bibantur.

* Galega i-
telligitur in
Exell. Ac.
milia cam-
pilonga Me-
dico Pata-
nico.

Adhæc etiā, ruta capraria * quotidie in pul-
uere, vel in decocto assumpta; vel succus huius
epotus ad pōdus vnc. iij. cum theriaca ad drach.
j. eundem præstabit effectum.

Præterea bibat aquam ex floribus malorum
aurantiorum limonum cum pauca quadam sem-
sinapios contusorum portione; & in lecto coo-
pertus sudet.

Quidam Empiricus nonnullas cāphoræ gut-
tas cum medicis cordialibus miraculosè suis pa-
tientibus exhibet; & sudorem excitat. Demum
R Ficus maturas, & amygdala, & assume: de-
inde superbibe aquam cinnamomi stillatitiam
ad vnc. iij. Quodd est miraculosum.

Quidam aquam theriacalem hic probant.

*In temporibus de peste suspectis, quo quisquo
modo se gerat.*

CAP. XXXV.

Cum hætenus in superioribus capitulis re-
ctam

Etiam sese à peste, ab anthrace, seu glâde vsta, ab exanthematibus seu petechijs, & ab alijs malis, liberandi, curandique viam & modû descripsim; nolo iam intermittere, quin multa salutifera, & omni Christiano vtilissima subijciam.

Primùm, ex omni loco infecto, & pestilente egrediatur sanus ad locum aliquem remotum, & redeat tardè: exemplo sumpto à quibusdam auibus, quæ alias nunquã, nisi metus incutiatur, à suis nidulis discedere & auolare audent. Hinc Nicolaus Asclepius:

Hæc tria mortiferam pellunt aduerbia pestem,
Mox, longè, & tardè, cede, recede, redi.

Alius ex sententia Laur. Iouberti c. 10. de peste.
Tu subitò, cautè, longè proficiscere, tardè:

Quatuor hæc à te spicula pestis agunt.

Induatur sanus vestibus pulchris, mundis, lotis non cum infectorum veste, resiccatis aut factis, aut emptis non in domo suspecta: & fumo odorifero suprâ scripto sulfitis, & quâdoq; mutatis.

Pro detentione in ore, tempore æstiuo.

℞ Corticum limonum, vel citri, vel eorum semina, aut mastichen electam, atque in ore domum exiturus detine.

Pro tempore brumali.

℞ Zedoariam, vel calamum aromaticum, vel carlinam, vel carduū bened. vel cinnamomum, vel caryophylla, vel macem, & mande seu mastica, manè, ieiuno stomacho, vel in ore solum detine.

Alij maiore cum vtilitate dictos cortices, Zedoariam, & c. per noctē vnam in aceto calendulato, sambucino, vel rosaceo macerant, atq; ut dictum est, in ore quocunq; exiuerint, detinent.

Secundò

Secundò corpus vacuet, & purget, quicumque
sanus permanere desiderat, in æstate.

℞ flor. cassiæ rec. extract. vnc. j
Tamar Indor. draah. ij
sem. anisor. drabh. j. vel ij

Misce, cum saccharo fiant boli, & cum pauco iu-
leb assumat: Manè per dies iij. vel iiij: ac etiam
oxymelite cochlearia ij vel iij. & syrupi limo-
num cochlear vnum, quæ putredini resistunt.

In tempore epidemio (fortasse verno.)

℞ flor. cass. rec. ext. vnc. iiij, vel
mannæ el. vnc. ij, vel j

Tamar. Ind. } an. draah. v

Conf. violar. }

Assumatur manè, per dies quatuor vel quinque
cum oxymelite scillitico, & syr. ex corticibus
citri aromatizzato, ad cochlearia duo, qualibet
vice.

Purgatur etiam in autumno & hyeme cum his
pillulis sequentibus.

℞ pill. ex hiera cum agarico scr. iiij
Hæ cuicumque ætati conueniunt, sumptæ, vt alię
solent.

Sed nunquam est recedendum ab his pillulis
quosunque indubitatè à peste tum præseruan-
tibus tum liberantibus, in omni totius anni tẽ-
pore assumendis, primùm à Ruffo Ephesio Me-
dico excellentissimo repertis: deinde à viris ex-
pertissimis per assiduam experientiam, & emo-
lumentum posteritati probatis, ac traditis.

℞ aloes lotæ in aq. endiuiz drach. ij
Myrrhæ el. draah. j
Croc orient. drach. ß
Misce, & formentur pillule, cum syr. de acido
citri,

citri, &c. vel cum vino oderifero; vel (nimirum pro ijs, qui hebar calidum, & inflammatum habent) cum aqua rosarum; vel cum vino ex malis granatis: formentur inquam pill. xxxvj. vel in formam ciceris: Et assumatur pill. vna, quando vespere cubitum itur; hoc est, per horas duas aut tres post coenam parcè sumptam; idque diebus alternis in tēpore de peste suspecto: Extra quod tempus sufficit qualibet septimana pill. vnā ex his assumere.

Verū Alexander Mussuria, professor Patavinus, meus nuper Præceptor, in Tractatu de ratione purgandi cū Paulo Aegin. lib. 7. c. 4. nō vespere, sed manè, aloē & purgantia suis patientibus exhibet. Vt sit, hæc pill. multum è Græcis, Arabibus, Italis, Gallis, & Medicis, passim celebrantur.

Sunt quandoque agri, qui à pill. abhorrétes, Elect. malunt.

℞ Pul. aloës hepat:

drach. ij.

Pul. myrrhæ

Cardui bened.

Rutæ hortensis

Baccar: iuniperi

Angelicæ

Scorzoneræ

Pimpinellæ

Tormentillæ

Petasitis

Galegæ, seu rutæ caprar.

Croci orient.

an. drach. j.

drach. β.

Misce cum syr. ex acido citri q. s. fiat Elect. Dosis drach. ij. singulo manè, &c.

Præservatiuū contra pestē efficacissimū, quod in Anglia tēpore magnæ illius pestis, anni 1348. (vt tradunt historici) ab omnibus Medicis fuit

E

celebra-

celebratū. Nam oēs qui hoc vñ sunt, euaserunt.

Alexis Pe-
demon. li. 1.

℞ Aloës hepat.

Myrrhæ el.

Cinnamomi

Caryophyllor :

Macis

Ligni aloës

Mastiches

Boli Armenæ

Croci orient.

} sing. drach. iij.

} sing. vnc. β.

scr. j.

Misce, & f. puluis subtiliss. de quo drach. j. sumatur singulo manè cum vino albo, &c. hic pul. facile in pill. vel Elect. redigetur, addito syr. de acido citri. q. s. ad consistentiam.

Tertiò quando quis sese ab hoc malo iam i-
ctum perlenit:

℞ pul. boli Armenæ

drach. j.

Aq. rosar. vel vini albi q. s.

Misce, & bibe : Aut,

℞ Theriacæ antiquæ (nimirū annorū 4.) drac. j.

Vini maluatici vel generosi parum.

Misce, & bibe : Aut

℞ Pul. radicū tormentillæ

scr. j.

Croci orient.

scr. β.

Aq. ex florib. citri parum

Misce & bibe.

Administratur quoque semel vel bis in septima
na, tempore intensè calido

Mythridati drach j. pro dosi vna :

Et tēpore hyemaliter vel quatuor in septimana

Nonnulli sic:

℞ Mythridati

Elect. dia scordiu

Terræ Silesiacæ

} an. drach j.

drach. β. vel drach. j.

Misce

Misce, cum aq. endiuizæ, cardui bened. vino, albo, vel iusculo f. haustus.

De prauis Lolij effectis, & ipsorum remedijs.

C A P. XXXVI.

CVM equidem mecum considerem effecta ista improba, à mala & venenosa, lolij seu Zizani qualitate dependentia, quæ hanc calamitosissimis temporibus inter pauperes, qui panem ab huius lolij malignitate infectum comedere præfame tenentur, passim sequuntur: censeo, iudicoque non solum utile, sed etiam necessarium pro bono publico subiungere quædam contra hoc venenum remedia: Quod quanquam fuerit extra materiam initio de peste susceptam: Tamen de eo hic obiter non malè tractabitur; cum verè sit, & appelletur venenum. Somnum enim (frugibus, ex quibus panis vel cereuisia fit perniçium, immodicum prouocat, ebrietatem citò excitat, mentem perturbat, oculis nocet, visum obscurat, caliginem adfert, teste Ouid. lib. i. Fastor.

Et careant lolij oculos vitiantibus agri:

Stomacho, & vetriculo dolorem & cruciatum, aliosque toti corpori affectus infert.

Ego ipse hinc ebrietatem, vertiginem, febrem &c. expertus sum, anno 1594. mense Ianuario, cum Patavi mihi ex pane huiusmodi modico, ac triticeo simul sumpto, panem iurulentum (offam vocant) pro prandio fieri procurassem. Cuius rei testes sint viri nobiles, consultissimi, legum Doctores, tum Iodocus, Prætor Erfordiensis &c. tum Petrus Hopffen Erfordiensis, &c. de me in Italia optimè meriti.

Usque adeo, ut si quando pauper quispiam ab huiusmodi lolij mixtura offendatur, per totum re-

*Matth. Eu-
angel. 13.
Zizani in
medio triti-
ci. &c. Lo-
lium facile
crescit, diffi-
culter perit:
auth. Erass.
Cecutiens
lolio vitti-
tata dicitur:
ut est in pro-
verb.*

liquū diem attonitus nō potest labores solitos
sustinere, neque lucellū sibi comparare. Qua-
propter cū persentit quis sese loliatum, seu lo-
lio vel Zizanio pollutum; accipiat ē vestigio
acetum bonum, & panis electissimi, non loliati,
seu lolio inquinati parum; & duas buccellas
hinc abscisses super prunas exalfaciat, ac pro-
pē adurat, in aceto dicto maceret, emolliat, &
comedat, & subito sanatus conualescat.

Quod si quis illud facere nequeat, iam

℞ Theriacæ antiq. drach. j.

Vini opt. vnc. iij.

Misce, & bibat, ac superquiescat per horam me-
diam, & sanabitur. Aut

℞ folior: menthæ
roris marini } an. num. ij.
melissæ

Misce, & comedat, atque magnum persentiet iu-
uamentum, & auxilium.

*Laus, & fa-
cultates
lolij.*

Sed contrā per se lolium hoc, (potissimū ap-
plicatum extrinsecē) plurimas virtutes habet,
1, exalfacit, & exiccat: 2, cōducit ad concep-
tiōē, molitū & applicatū super corpus cum croco,
thure, & myrrha ad modum & consistentiā po-
lētæ, seu pultis ex farina & aqua coctæ; aut suf-
fitum: 3, compescit vlcera putrida, & corro-
dentia, gangrenas, & nomas depascentes, cum
raphanis & sale impositum: 4, strumas, seu scro-
phulas resoluit & discutit, cū fimo colūbi & se-
mine lini in vino decoctū: 5, rūpit, & aperit ea
apostemata, quæ egrē ad maturitatē perducūtur
6, mitigat dolores arthriticos, ischiadicos, & po-
dagricos, cū melicrato decoctū, & impositum:
7, sedat capitis dolores: 8, extrahit ossa rupta: 9,
perfa-

perfanat leichenas seu feras impetigines, & lepras Græcorum, cum sulfure, vino, & aceto permixtum. Habet & alias multas facultates, quas breuitatis ergo silentio præterimus. Poterunt illæ commodè videri apud Galen. lib. 6. de simpl. med. facult. Diosc. lib. 2. c. 92. Auic. li. 2. Tr. 2. 750. de Zizanio, Dodon. 4. 3. 1. Quò nos lectorem remittimus. Vsq̃ue adeò vt quæcunq; fecit Dominus Deus, sint bona, si modò debitus accesserit vſus.

Veniamus tandem ad modum extrahendi à *Correctio farina loliace.* farina, quæcunque noxiam ipsius lolij malignitatem, quod erat hoc in loco primarium nostrum institutum.

Cùm itaque lolij malignitatem ex farina seu triticea, seu alia placet eximere & auferre, necessarium est, dum illa ad fermentandum, & pinſendum, iam præparatur, & permutatur, vt pridie eius diei sumas aquæ vitæ (aqua mortis vocant sapius aut copiosus per os experti) lib. mediam, seminum sinapios pistorum, seu pistillo confusorum scrup. iij. & permisceas, atque ad focum seu ignem apponas in vase tam diu obturato, donec illa mixtura caleſcat, quæ deinde in media illa farina includatur, facta prius in medio cauitate seu scrobe, & absorpta in illa hac mixtura: postea verò eandem misturam, nunc absorptam, tegat & cooperiat dicta farina vsq; in diem & horam matutinam sequentem: tunc videbitis hanc dictam aquam vitæ ad sese attraxisse vniuersam farinæ loliæ malignitatem, quæ attracta haud absimilis erit à globosa massa seu pastæ viridis pila, quæ inde abiecta, à canibus famelicis non deuoratur, Quibus omni-
bus

Dod. 3. 3. 31

Suprà ca. 11

bus diligenter iam peractis, fermentum tuum indes & panē (vt moris est) pinſes: qui per diuinū auxilium nullo lolij veneno te affliget, cū nūc extracta, & abiecta ſit tota illa venenosa, & maligna qualitas humano corpori tam inimica,

Epilogus.

Vnusquisque demum dicti Medicorum principis recorderetur, quod nimirum multi eorum, qui animosē sese gerunt, qui animosē faciunt, & qui animosē viuunt, liberātur, conualescunt & superuiuant. Atque hæc sint satis de cura huius morbi, à quo Dominus Deus per suam clementiam & misericordiam nos & omnes Christianos præseruare dignetur ad æternam suam gloriam, Ecclesiæ & Respublicæ sanctæ commodum, & animæ nostræ salutem.

INDEX CAPITVM.

Q UID sit pestis	Cap. 1
Vera pestis causa.	Cap. 2
Quid ad se præparandum sit necessarium.	Cap. 3
Ex quibus signis cognoscatur pestis.	Cap. 4
Quomodo attrahantur papule seu petechiæ.	Cap. 5
Quæ sint deuitanda, & primū qui aer.	Cap. 6
De repletionē, & diuersitate ciborum.	Cap. 7
De motu & quiete.	Cap. 8
De somno & vigilia	Cap. 9
De affectibus animi.	Cap. 10
De cibis & edulij deuitandis.	Cap. 11
Cibus & potus cui smodi esse debeant.	Cap. 12
De saporum & condimentorum regimine.	Cap. 13
De aceto.	Cap. 14
Pulmenta, quæ in vsum veniunt.	Cap. 15
De carne cum emolumento comedenda.	Cap. 16
Pisces eſt. andi.	Cap. 17
	De

DE PESTE.

71

De aquæ qualitate.	Cap. 18
De fructibus in edulium admittendis.	Cap. 19
De angelica odorata.	Cap. 20
De coriandris.	Cap. 21
Modus curandi febrem pestilentem.	Cap. 22
Modus carbonem attrahendi & maturandi.	Cap. 23
Vesicatoria.	Cap. 24
Quomodo fiant epithemata.	Cap. 25
Oleum ad inungendum pulsus, caput.	Cap. 26
Oleum salubre & medicatium.	Cap. 27
Unguentum lenitium & somniferum.	Cap. 28
Confectio pro confortando infirmo.	Cap. 29
Fumi odorati.	Cap. 30
Poma odorata continuè in manu.	Cap. 31
Spongia odorifera.	Cap. 32
Sacculi & amuleta.	Cap. 33
Ad provocandum sudorem.	Cap. 34
In temporibus his, quo quisque modo se gerat.	Cap. 35
De improbis lolij effectis.	Cap. 36. & ult.

AD LECTORES INTER- pretis admonitio.

CVM, Lectores benèvoli, de hoc tractatu (quem de peste ex Italia mecum attuleram) ex lingua nostratibus ferè ignota ob commune bonum transferendo, & typis subiiciendo consideratius cogitarem, non erat mihi statutum in illo vel comma, vel colon vnum, ne dicam modum aut addere, aut imminuere, aut permutare, aut transponere: Verùm cum iam illius libelli initiũ sub prælo Typographico premeretur, ceperunt amicorum quidam sedulo me hortari, & urgere, ut in toto hoc opusculo incudendo illud, quod Titulus & inscriptio pollice-


licetur, velim præstare, & hunc tractatum ad in-
clyræ Reipublicæ Colonienfis, quantum fieri
posset, vsum, commodum, & emolumentum hoc
pestis crudelissimè grassantis tempore, magis
magisque accommodare. Hinc ut amicis, & no-
stratibus omnibus, quibus iusta petentibus equum
erat gratificari, paucissima quædam prioribus
sunt adiuncta; & inserta, vix vlla, quod sciam
immutata, paucissima permutata, nonnulla trās-
posita, quædam passim obuia hic accuratius di-
stincta & explicata, quædam denique paucissi-
ma de characteribus, dosibus, ponderibus men-
surisque relinquuntur à Pharmacopœis indi-
canda, quemadmodum Riuetus ipse, huius tra-
ctatus Author, quem etiamnum apud Bononiā
in Italia superstitem confidimus, & omnes alij
Lectores beneuoli facilè in toto hoc libello ob-
seruabunt, atque si scopum destinatum pro vo-
to minus fuerimus ad punctum vsque affecti,
æqui bonique consulent, & animum ad amicis,
& ciuibus multum afflictis gratificandum quam
promptissimum perpendent.


FINIS.

COLONIAE,

Typis Lamberti Andreæ.

ANNO M. D. XCVII.





15. v. e.

C. 112

58

I. 1588-

9-11-99

9-977
4.

Manuscript
A 1

2 2

167.

1712,



